



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

3540

281.6
W-48

1906

2018

Հ Ա Մ Ա Ռ Օ Տ

Պ Ա Տ Մ ՈՒ Թ Ի Ի Ն

Մ Պ Ի Ս Կ Ո Պ Ո Ս Ա Կ Ա Ն Ա Թ Ո Ռ Ո Ց

Ի Պ Ա Տ Ր Ի Ա Ր Բ ՈՒ Թ Ե Ա Ն Կ Ի Լ Ի Կ Ի Ո Ց

26

Յ Օ Ր Ի Ն Ե Ա Ց

Գ Ե Ր . Գ Ե Ր Յ . Ա Ն Դ Ր Է Ա Ս Գ Ե Ր Ա Պ Ա Յ Ե Մ Ա Ռ

Ա Ղ Է Ք Ս Ա Ն Դ Ր Ե Ա Ն

Մ Ե Մ Ա Ի Ո Ր Վ Ա Ն Ա Ց Փ . Կ . Ջ Մ Մ Ա Ռ Ի



Բ 2001

Վ Ե Ն Ե Տ Ի Կ — Ս . Ղ Ա Ջ Ա Ր

1906

281.6
Ա - 48

86.6

4-48

Հ Ա Մ Ա Ռ Օ Տ

Պ Ա Տ Մ ՈՒ Թ Ի Ի Ն

Ե Պ Ի Ս Կ Ո Պ Ո Ս Ա Կ Ա Ն Ա Թ Ո Ռ Ո Ց

Ի Պ Ա Տ Ր Ի Ա Ր Գ ՈՒ Թ Ե Ա Ն Կ Ի Լ Ի Կ Ի Ո Ց





2316

Ա-48

Հ Ա Մ Ս Ռ Օ Ց

Պ Ա Տ Մ Ո Ւ Թ Ի Ի Ն

Ե Պ Ի Ս Կ Ո Պ Ո Ս Ա Կ Ա Ն Ա Թ Ո Ռ Ո Ց

Ի Պ Ա Տ Ր Ի Ա Ր Ք Ո Ւ Թ Ե Ա Ն Կ Ի Լ Ի Կ Ի Ո Ց

Յ Օ Ր Ի Ն Ե Ա Ց

Գ Ե Ր . Գ Ե Ր Յ . Ա Ն Դ Ր Բ Ա Ս Գ Ե Ր Ա Պ Ա Յ Ե Ն Ա Ռ

Ա Ղ Է Ք Ս Ա Ն Դ Ր Ե Ա Ն

Մ Ե Վ Ա Ի Ո Ր Վ Ա Ն Ա Ց Փ . Կ . Զ Մ Մ Ա Ռ Ի



Վ Ե Ն Ե Տ Ի Կ — Ս . Ղ Ա Զ Ա Ր

1906



53064-мн

18-67

ԶԵՊԻՍԿՈՊՈՍԱԿԱՆ ԱԹՈՌՈՑ

Կ Ա Մ

ԶՎԻՃԱԿԱՅ Ի ՊԱՏՐԻԱՐԲՈՒԹԵԱՆ ԿԻԼԻԿԻՈՑ

Ի ծանօթութիւնսն, որ զՊատրիարքաց Կիլիկիոյ յամսն 1740-1904. յաւելուլ ի զէպ է և բանս ինչ համառօտ զվիճակաց՝ որ ի նմին Պատրիարքութեան:

Թէպէտ զբազմաց ի նոցանէ վաղ իսկ պատրաստեալ էր ծանօթութիւնս ընդարձակ ևս, այլ առ ժամս շատանամ համառօտիւս. թողեալ այլում պատեհի զայն:

Վեշտասան են արդ Աթոռք, յորոց մին Պատրիարքական. գտանին և այլ ևս տեղիք կցեալք Պատրիարքական Աթոռոյն, առ ժամս, կամ ընդ միշտ:

Հինգ վիճակք կան յարևելից Եփրատայ, մինչև ցեզերս արևելից Օսմանեան Պետութեան: Վեց այլ ի միջոցին, չորս զէպ յարևմուտս, և մի ընդ հարաւ Եգիպտոս:

Բազումք ի վիճակացդ կանգնեալ են ի վաղ ժամանակաց. այլ չեն ինձ վամք եղանել անդր բան զգարն ժ՛՛. թէպէտև բազումք յԵպիսկոպոսարանացդ իցեն յառաջագոյն, և անկեալ ընդ բազում արկածիւք ժամանակաց:

Ա.

ՎԻՃԱԿ ՄԱՐՏԻՆԻ

Յարևելեան Եպիսկոպոսարանն, Մարտինի Աթոռն կանգնեցաւ վերստին յամին 1708. երեսուն և ութ ամօք յառաջ քան զընտրութիւն Աբրահամու Պետրոսի Ա. Պատրիարքի. և երրորդն ի յաջորդաց նորա ձեռնադրութիւն առնոյր յԱբրահամ Աբքեպիսկոպոսէ Բերիոյ և ընդ այլ Եպիսկոպոսաց մտանէր ընտրութիւն նոր Պատրիարքի: Յաջորդութիւն Աթոռոյս տեւեցայսօր ժամանակի, որ և ի սկզբանէ անտի պատուեալ է յորջորջմամբ Աբքեպիսկոպոսի:

Մարտին Սանճագ է Վիլայէթին Տիարպէքերի ի Միջագէտս, այս գաւառ ի հնուսն կոչէր Միզդոնիա, և զլիսաւոր քաղաք էր նորա Մծբին, որ աւան փոքր է այժմ. և Մարտին վայելէ զառաջնութիւնն: Բնակք գաւառիս Քուրդք են մեծաւ մասամբ. ապա Ասորի Եղուապիք, յորս սակաւ են թուով կաթողիկեայքն: Հայք ի Մարտին քաղաքի առ հասարակ զկաթողիկեայ ունին դաւանութիւն, որպէս որք ենն ի Թէլ-Էրմէն: Կան ևս կաթողիկեայք ի Տէրիկ, ուր առաւել են թուով որք չենն միաբան և ի Ռաս-էլ-Այն ի վերան-Շէհր, նաև ի զիւղօրէս՝ Աւինէք, Գըրք-տիրէք և այլուր ևս: Ի նոյն գեօղս և յաւէտ ի հիւսիսոյ վիճակին կան և էջմիածնականք իբր 25,000, ի բովանդակ վիճակին այլ չէ հիշդ թիւդ այդ. և ոչ որոշակի ծանօթ:

Հասարակաց է բան, եթէ Հայք հետեւէին բաժանեալ մասին. թէև չէ մարթ հաւաստել զամենայն ասացեալս, որոց չիցեն հմուտ լիուլի պատմութեան մերոյ: Ի Յովհաննէս Մկրտչէ ի Քաբուչին կրօնաւորէ Սինթումենցոյ առաքեցաւ ի Հոովմ պատանին թասպաս ի դպրոցն Ուրբանեան, որ ձեռնադրեցաւ քահանայ, և դարձեալ ի Հայրենիս իւր միաբանեաց զժողովուրդ տեղւոյն ի միաբանութիւն ընդ Հոովմէական եկեղեցոյ. մանաւանդ յետ Եպիսկոպոսութեան իւրոյ զամենայն Հայս Մարտինի, թէլ-էրմէնայ և այլոց տեղեաց, ընդ որս՝ յետ ժամանակի միացան և այլք ի Տարա, ի Մծրին և յայլսն:

Բաց ի Սանճագէն Մարտինի, և որք բնակեալ են Հայք ի սահմանս Ասորեստանի ի Մուսուլ, ընդ ձեռամբ են Հովուին Մարտինի: Իսկ զաւսոր Պաղտատի և Պասրայ՝ մինչև ցնոր կարգադրութիւն՝ անօրինին Պատրիարքական Գործակալութեամբ:

Յեպիսկոպոսունս Մարտինի՝ առաջին եղև ի սկիզբն ժԸ. դարուն Մեղգոն Ա. թասպաս ծնեալ ի Մարտին, որ ձեռնադրեցաւ Եպիսկոպոս ի Պետրոս Պիսակ կաթողիկոսէ Սսոյ յամին 1708 և յետ զամուլթ վարելոյ զեկեղեցին հալածանօք հանդերձ. խոստովանողական մահուամբ կնքեաց զկեանս իւր յամին 1716. ի նաւարանին Կ. Պօլսի ի շղթայս:

Յաջորդ եղև սմա Մարտիրոս Մարգար թուխմունեան Տիարպէրիբցի, որ համարի ձեռնադրեալ ի Յովհաննէս կաթողիկոսէ Սսոյ. նախ յանուն Տիարպէրի և ապա փոխադրեալ ի Մարտին, և եկաց յաթոն զամս իբր քսան (1718-1738):

Մեղգոն Մարգար թուխմանեան եղբայր առաջնոյն, որ ձեռնադրեցաւ ի Բերիա յԱրքահամ Արքեպիսկոպոսէ տեղւոյն, յամին 1740. և յետ մտանելոյ ի սիւնհոզոսն ընտրութեան նորոյ Պատրիարքի, դարձաւ ի վիճակ իւր:

Եւ նստաւ ի տեղի նորա Յովհաննէս Թասսպասեան. որ չոգաւ յաթոռ իւր, եկաց զամ մի. և գնացեալ ի Հոռովմ վախճանեցաւ անդէն:

Եւ ընտրեցաւ փոխան նորա Յովսէփ վ. Պալիթեան աշակերտ ուրբանեան դպրոցի. և զամս չորս կացեալ յիշխանութեան ննջեաց ի Տէր:

Յովակիմ Թասսպասեան ձեռնադրեցաւ յամին 1789. ի 14. սեպտ. վարեաց զաթոռ իւր զամս բազում և ապա ձեռնադրեաց իւր օգնական զԵղիազար Գանտիլեան, որ ապա յաջորդ եղև նմա սակաւ ամս և ննջեաց ի Տէր:

Յովսէփ Ֆարրայեան Բերիացի աշակերտ ընծայարանին Զմմառի, ընտրեցաւ և ձեռնադրեցաւ ի Գրիգոր Պետրոս Զ: Գարձաւ սա ապա ի Լիբանան և կացեալ անդ զժամանակ մի, մեկնեցաւ գնալ ի Բերիա հրաժարեալ յաթոռոյն Մարտինի. և հանգեաւ ի Տէր:

Իսկ զԱթոռն Մարտինի յանձանձէր Պատրիարքըն Կիլիկիոյ փոխանորդօք իւրովք: Մինչև յամին 1855. ձեռնադրեցաւ Արքեպիսկոպոս Մարտինի Գաբրիէլ վարդապետ Շաշաթեան Բերիացի աշակերտ Զմմառի, որ արար ինչ ինչ բարեկարգութիւնս հաւանութեամբ Գերերջ. Պատրիարքին և ննջեաց ի Տէր:

Ընտրեցաւ ի տեղի նորա Մելգոն վ. Նազարեան աշակերտ Զմմառի և ձեռնադրեցաւ յամին 1864. յՑ. Հոկտ. կառոյց եկեղեցի նոր ի Մարտին յանուն Սրբոյն Յովսէփայ, և հանգեաւ ի Տէր:

Յաջորդ եղև սմա Յուսիկ վ. Կիւլեան աշակերտ Զմմառի, որ ձեռնադրեցաւ յ7. Սեպտ. 1902. և վարէ զԱթոռն մինչև ցայսօր:

Երևելի են Առաջնորդութիւնք Քարուչին կրօնա-նաւորաց, որոց կեդրոն է Մարտին քաղաք:

Առաջնորդութիւնք

Ա. Մարտին հիմնեալ յամին.	1641.
Բ. Տիարպէքր	1665.
Գ. Ուրհա	1841.
Դ. Մեզբէ	1867.
Ե. Մալաթիա	1867.


որք ունին ընդ առաքելութեամբ իւրեանց զկուսակալութիւնս Տիարպէքրի և Խարբերդի, զՈւրհա և զՌաս-էլ-այն:

Կան ի Մարտին Ասորի Եաղուպիք ոչ սակաւք, և Պատրիարք նոցա նստի ի Տէր Զաֆրան մերձ ի Մարտին. են և Ասորի կաթողիկեայք սակաւաթիւք ի քաղաքին և ի գիւղօրէս. ունին առաջնորդ զԵպիսկոպոս որ, Պատրիարքական փոխանորդ:

Յոյժ սակաւ է թիւ Քաղղէացոց. որք ունին իւրեանց առաջնորդ:

Իսկ Հայ Էջմիածնականք զաւանդին Մարտինի պատկանին առաջնորդութեան Տիարպէքրի. այլ ի Պաղղատ կայ առաջնորդ ուրոյն:

Հայ կաթողիկեայց աթոռանիստ եկեղեցին Մարտինոյ կառուցեալ է ի վաղ ժամանակաց. և նուիրեալ էր ի պատիւ Ս. Գրիգորի Լուսաւորչի, և ցայսօր նովին անուամբ յորջորջէ զայն ժողովուրդն. թէպէտ ի սկիզբն ժԲ. դարու փոխեալ էր անունն ի Ս. Գէորգ:



ՏԻԱՐՊԷՔԻ ԿԱՄ ԱՄԻԴ

Վիլայէթ է Տիարպէքը ի Միջագետս, որ ունի երեք Սանճագս՝ Տիարպէքը, Պարը-Մատէն, և Մարտին՝ գորմէ գրեցի յառաջ:

Երկոքին առաջին գաւառը ընդ Ուրհա Սանճագի Բերիոյ բովանդակեն զվիճակն Տիարպէքի: Մեծագոյն մասն բնակչաց Մահմետականք են՝ թուրք, ֆուրդ և Արապ. իսկ ի Քրիստոնեայս բազմաթիւ են Հայք, որոց մի փոքր մասն է կաթողիկեայ և ունին ի քաղաքին եկեղեցի Ս. Լուսաւորիչ:

Վիճակն Տիարպէքի բովանդակէ յինքեան զհինգ առաջնորդութիւնս Հայ Էջմիածնականաց, որք են՝ Տիարպէքը, Արղնի-Չնքուշ, և Բալու, որք յարակիցք են առաջնոյն. ևս Ուրհա աթոռ ինքնուրոյն. և բազմութեամբ թեմիցս յայտ լինի թուական առաւելութիւն սոցա ի կաթողիկեայց:

Են ի Տիարպէքը այլ ևս Հասարակութիւնք քրիստոնէից. Լատինք մեծաւ մասամբ ի Հայոց որք ունին եկեղեցի և վանս. Քաղղէացիք և Ասորիք, առանձինն Եպիսկոպոսարանօք: Յոյն կաթողիկեայք սակաւ թուով: Կան բաժանեալ Յոյնք մանաւանդ ի Պարըր Մատէն, և առաւել քան զնոսա Ասորի Եւքուպիկք: Գտանին և բողոքականք առաւելութեամբ ի Հայոց:

Կանգնումն Աթոռոյն Ամղայ հնագոյն յոյժ է յըն-

Թացս Բ. դարուն. և էին ընդ իշխանութեամբ նորա ամենայն աթոռք Միջագետաց՝ յարեւելս և ընդ հիւսիս. Մծբին, Գարա, Մարտիրոսաօլիս. Սոփենը Քասկարա, Պէզապտա, Արշամուշատ, Կէփէ-Քասթէլլի, Վօլօկէզօկերտ, Կոստանդիա, Ինճիլա, Սինճարա, Մարոնոսաօլիս, և Մարտէ:

Իսկ Եղեսիա գլխաւոր քաղաք Ոսրոէնայ ունէր զԺԲ. Եպիսկոպոսական Աթոռս, որք են:

Կոստանդիա, Կալինիկէ, Պարնէ, Խառան, Կիրկէսիա, Բէսինէ կամ Թէոդուսօլիս, Մարկոսօլիս. Տաւսարա, Հեմէրա, նորն Վաղենտիա, Մակեդոնոսօլիս և Պիրղա:

Երկու Եպիսկոպոսապետութիւնք էին յայնժամ իզ. վիճակակից Աթոռովք. և այժմ երեք միայն վիճակք են՝ Մարտին, Ամիզ և Խարբերզ, որք բաց ի սահմանաց երկուց յառաջն գրեալ Եպիսկոպոսապետութեանց, գրաւեն զՄիջագետս համօրէն. և զայլ ևս զաւառս ընդ հարաւ երկայնեալս:

Այլ մեր թողեալ զհնագոյնսն յԵպիսկոպոսաց և յԵպիսկոպոսարանաց, ի դարսն ԺԵ. ԺԶ. ԺԷ. եղեն յԱմիզ կաթողիկեայ Եպիսկոպոսք, զորովք ևս զանց արարեալ, յամին 1727. նստաւ Եպիսկոպոս Ամզայ Պետրոս վարդապետ Տէրպօղոսեան, որ զգաւանութիւն ուղղափառ հաւատոյ առաքեաց ի Հոովմ ձեռամբ Լէօնարտօ կարմեղեան քահանայի: Գովեն զսա յոյժ Ամզեցիք ի Թղթին՝ զոր յամին 1742 գրեցին առ Աբրահամ Պետրոս Ա. ի Լիբանան:

Յետ սորա յիշատակի Եւզինէոս Եպիսկոպոս Ամզայ, որ առանձնացեալ ի Մարտին բնակէր առ Մեղգոն Մարգար Եպիսկոպոսի տեղւոյն, նշանակեալ ի զործս Աբրահամու Պետրոսի Ա. իբրեւ զմի յԵպիսկոպոսաց իւրոց:

Միքայէլ Պետրոս Գ. յամին 1755. Եպիսկոպոս

ձեռնադրեաց Ամդայ գՅովհաննէս վարդապետ Զմիւռնացի. զոր և յամին 1758 տարաւ ընդ իւր ի Հոռվմ: Իբրև յետ երկուց ամաց դարձան անտի ի Լիբանան, Յովհաննէս Եպիսկոպոս գնաց ի Կ. Պօլիս. ուր մնաց մինչև ցվախճան իւր ի 22 Յունի. 1770:

Այնուհետև զամս ութսուն մնաց պարապեալ Աթոռնայն. և ոչ նշանակի առ այս պատճառ ինչ. բայց եթէ, զի յաւուրս Յովհաննու Եպիսկոպոսի վէճ յարուցեալ էր Պատրիարքն Քաղղէացոց, եթէ կաթողիկեայ Հայք տեղւոյն պատկանէին ինքեան. և թէպէտ Միքայէլ Պետրոս Գ. ընկալաւ վճիռ ի Ս. Աթոռոյն ի նպաստ իւր, այլ յայտ է՝ թէ հանգամանք ժամանակին չներեցին նմա և յաջորդաց նորակարգել Եպիսկոպոս այնր Աթոռոյ:

Մինչև յամին 1850. Գրիգոր Պետրոս Բ. ձեռնադրեաց Եպիսկոպոս Ամդայ գՅակոբ վարդապետ Պաշտիարեան, որ յամին 1880. հրաժեշտ ետ յաթոռոյն ի Կ. Պօլիս, ուր անցոյց զմնացուած կենաց իւրոց և անդ վախճանեցաւ:

Յաջորդ եղև նմին յետ ամաց ինչ Յովսէփ վարդապետ Ֆէռասեան աշակերտ Զմմառի որ ձեռնադրեցաւ յամին 1885. ի 19. Հոկտ. ի Ստեփանոս Պետրոս Ժ. կաթողիկոսէ. նստաւ զամս իբր երիս և վախճանեցաւ յԱմիդ:

Յաւուրս սորա եղեն դարձը բազումը ի կաթողիկեայ կրօնս յայլ և այլ գիւղօրէս. այլ կարի սակաւը մնացին հաստատեալքն:

Յետ սորա ընտրեցաւ Եպիսկոպոս Տիարպէրրի Անդրէաս վարդապետ Զէլէպեան, որ ձեռնադրեցաւ ի 6. Փետր. 1899. և վարէ զայն մինչև ցայսօր:

Կային կաթողիկեայ Հայք ի Տիարպէրր և յՈւրհա ուր ևս շինեալ էր կանխաւ եկեղեցի, այլ ապա աճեաց թիւ կաթողիկեայց յայլ և այլ տեղիս, որպէս յՈւր-

հա, ի Պիրէճիկ, որ ունի եկեղեցի. ի Ճիպին, ի Կամուրջ. նաև ի Չնքուշ ուր ևս կայ եկեղեցի, ի Սևերէկ և յայլ գիւղօրէս: Բաժանեալ Յոյնք ունին մետրապօլիտ որ նստի ի Տիարպէքը և է ընդ իշխանութեամբ Պատրիարքին Անտիօքայ:

Գ.

ԽԱՐԲԵՐԴ ԿԱՄ ՄԱՄՈՒՐԻԷԹ-ԸԼ-ԱԶԻԶ

Թէպէտ չունի տարածութիւն մեծ. այլ վիլայէթ է բազմամարդ. և են նորա երեք գաւառք՝ այս է՝ Մամուրիէթ - ըլ - Ազիզ, Տէրսիմ, և Մալաթիա: Երկու առաջինք կազմեն գվիճակն Խարբերդի. իսկ Մալաթիա է վիճակ ուրոյն յառաջնոյն:

Սկիզբն դարձին Հայոց ի կողմանս Խարբերդի՝ եղև յամին 1858. և անդր առաջին քարոզիչ առաքեցաւ Յարութիւն վարդապետ Պաթմանեան, որ եկաց զսակաւ մի ժամանակ, ապա չոգան այլ քահանայք և ծաւալեցաւ կաթողիկէութիւն ի գաւառին և յԱրարկեր և յայլ ևս տեղիս: Յամին 1865. կարգեցաւ Աթոռ Եպիսկոպոսական. և ձեռնադրեցաւ Ստեփան վարդապետ Իսրայէլեան ի Մշոյ, որ գնացեալ ի վիճակ իւր վարեաց զայն ամս բազումս և հանգեաւ ի Տէր:

Յետ նորա նստաւ յայն Աթոռ Աւետիս վարդապետ Արփիարեան Ակնեցի, որ ձեռնադրեցաւ Եպիսկոպոս ի 23. Սեպտ. 1890 և կացեալ զամս ինն, անուանեցաւ ի 5. Ապր. 1898. կաթողիկոսական փոխանորդ. յորջորջմամբ Արքեպիսկոպոսի Անարզարայ: Եւ ապա հրաժարեալ անտի՝ առանձնացաւ

ի վանս Զմմառի յամին 1905 : Յաջորդեաց զնա Ստեփանոս վարդապետ Խարայէլեան, որ ընկալաւ զձեռնադրութիւն Եպիսկոպոսութեան ի 6. Փետր. 1899. և վարէ զաթոռ իւր մինչև ցայսօր :

Ի վիճակին Խարբերդի կան և լատին քարոզիչք, եկեալք այսր յամին 1867. որպէս և Հայք լատին ծիսիւ ի քաղաքս և ի գիւղօրէս. այլ ըստ քաղաքա- կանին չեն բաժանեալ ի կաթողիկեայց :

Կաթողիկեայք՝ Հայ կամ Լատին ծիսիւ բնակին ի Մամուրիէթ - Ըլ - Ազիզ. ուր կայ եկեղեցի կաթողի- կեայց, ի Հիւսէյնիկ, ի Քէօյլու, ի բազմաշէն գիւղ մեծ, յորս կան մատրոնք. ի Դատէմ և յԱրարկէր, որք ունին եկեղեցի. ի Կապան Մատէն և յայլ ևս տեղիս :

Մեծ է թիւ Էջմիածնական Հայոց՝ յետ այլազ- գեաց, Թուրքաց և Քրդաց բաժանելոց յազգս և ի տոհմս, և ունին սորա վիճակս հինգ, յորոց Խարբերդ, Արարկեր և Ակն առաջնորդականք են ուրոյն ի մի- մեանց : Իսկ Չարսանձագ ընդ Խօզաթայ և Մաշկեր- տի, և Չմշկածագ՝ զազայք Տէրսիմի, վիճակք են միացեալք ընդ Խարբերդի : Ի վիճակաց աստի են որ ընդարձակ են և ունին բազմութիւն ժողովրդեան. և են՝ որ նուազ, յորս սակաւ են ժողովուրդք. և թիւ համարոյ Հայոց յերկուս գաւառսդ չէ նուազ քան զութսուն հազար, որպէս համարիմ առանց ճշդելոյ :

Են ի գաւառիս և Ասորիք Հայախօսք, մեծագոյն մասն ի Յակոբիկ անուանելոց, որք ունին և եկեղե- ցիս. իսկ կաթողիկեայ Ասորիք կարի սակաւք են, և նորադարձք առհասարակ :

Եւ ահա այսօրիկ են երեքին վիճակք Միջագի- տաց, այսինքն Մարտին, Տիարպէքը կամ Ամիդ, և Խարբերդ կամ Մամուրիէթ-Ըլ-Ազիզ :

Յոյնք ևս ունին Մետրապօլիտ ի Կապանմատէն, որ է ընդ իշխանութեամբ Պատրիարքին Անտիօքայ :

Կաթողիկեայ Հայք գաւառին Մշոյ կային ի հին ժամանակաց և ի հաստատութեան Եպիսկոպոսութեան կարնոյ, զնմանէ կախէին: Ընդարձակութիւն թեմին կարնոյ, որ տարածանէր յերիս յիւայէթս, յԵրզրում, ի Պիթլիզ և ի Վան, հարկ արար խորհել ինչ զայնմանէ: Սմին իրի յամին 1880. ի Պատրիարքական սիւնհոգոսի բանք եղեն յաղագս բաժանելոյ զայն յերկուս վիճակս. Ս. Աթոռն հաստատէր զայս որոշումն, և յայս սակս ի գործ եղաւ այն: Սոյնպէս զի վիլայէթն Էրզրում բովանդակէ զկարին. իսկ վիլայէթն Պիթլիզի և Վանայ զՄշոյ նոր վիճակն, և են ի սմա հնագոյն գաւառք՝ Տուրուբերան, Մոկք, Կորճայք և մեծ մասն վասսպուրականի: Բաց ի կաթողիկեայց գաւառին Մշոյ որք բնակին ի քաղաքն Մուշ և յերիս կամ ի չորս մերձակայ գիւղօրէս. են և ի Պիթլիզ, ևս առաւել ի Վան և որ շուրջ զնովաւ ի նորոյ յաւելեալքն ի ժողովուրդն կաթողիկեայ այլ նուազ են սորա թուով քան զառաջինսն:

Յետ որոշելոյ զատուցման թեմին յերկուս՝ Ստեփանոս Պետրոս Ժ. փոյթ կալաւ ձեռնադրել ի վերայ նորահաստատ Աթոռոյն Մշոյ Եպիսկոպոս զՅարութիւն վարդապետ ճամճեան Պօլսեցի աշակերտ ուրբանեան դպրոցի ի 1. Հոկտ. 1880:

Սա կացեալ անդ զամս չորս հրաժարեցաւ Սթոռոյն, և անուանեցաւ ապա Եպիսկոպոս Պրուսայ:

Յաջորդ եղեւ սմա Յովհաննէս վարդապետ Յովհաննէսեան Խարբերողի, որ ձեռնադրեցաւ Եպիսկոպոս Մշոյ յ19. Օգոստ. 1887. որ յետ սակաւ ամաց հարկեցաւ առանձնանալ ի Կ. Պօլիս: Եւ յամին 1890. հրաժարեալ ի Մշոյ՝ անուանեցաւ Եպիսկոպոս Անկիւրիոյ, ուր կնքեաց զկեանս իւր:

Եւ կարգեցաւ փոխան նորա Եպիսկոպոս Մշոյ Ներսէս վարդապետ Ճնտոյեան աշակերտ Միլիթա. բեանց Վենետիոյ. և ձեռնադրեցաւ յ31. Մայիս 1892. և վարէ ցայսօր ժամանակի զայն վիճակ. կան արդ ի Մուշ և յոմանս ի գիւղօրէից եկեղեցիք, ևս Մատրուք յայլ և այլ տեղիս: Մեծ մասն բնակչաց երկուց Վիլայէթիցդ են Թուրք և Քուրդ Մահմետականք. բազմաթիւ են և Հայք: Քառեակ թեմս ունին էջմիածնականք ընդ Պատրիարքութեամբ Կ. Պօլսի, որք են Վան, Մուշ, Բաղէշ և Սղերտ. և հինգերորդ մի ևս՝ Կտուց-Լիմն յարակից աթոռ վիճակին Վանայ: Անդ է և Պատրիարքութիւնն Աղթամարայ իւրով կրկին վիճակօք, որք են Աղթամար և Խիզան:

Ի հարաւակողմն Պիթլիզի արժանի յիշատակութեան է Եպիսկոպոսական թեմն Սէղէրտի, որ պատկանի Քաղզէացի կաթողիկեայց:

Ի նոյն կողմանս և ի հարաւոյ Վիլայէթին Վանայ գտանին բազմութիւն մեծ Ասորի Յակոբիկեանց և մանաւանդ Նաստուրի Քաղզէացւոց, ընդ որս են և սակաւաթիւ կաթողիկեայք յերկուց ազգացդ:

ԷՐԶՐՈՒՄ ԿԱՄ ԿԱՐՆՈՅ ՔԱՂԱՔ

Մի է այս ի ծաղկեալ վիճակաց Պատրիարքութեան և բազում իրօք առաւելեալ. փակէ յինքեան զՎիլայէթն ողջոյն Էրզրումի: Բնակիչք թուրք են և Քուրդք Մահմետական. բազմութիւն է և Հայոց, իսկ Յոյք սակաւք են թուով:

Կաթողիկեայ Հայք ևս տարածեալ են յայլ և այլ կողմանս գաւառին՝ մնացորդք հնոց ժամանակաց. այլ արդ չեն թուով բազումք, որպէս երբեմն, յորժամ հազարաւոր տունք էին կաթողիկեայց ի նմա, որք գաղթեցան ի հնումն: Այլ և այժմ՝ աճէ մնացորդն խնամով Պետութեան:

Հին էր Եպիսկոպոսութիւն Կարնոյ, ի Գ. և ի Ե. դարս անկաւ ընդ իշխանութեամբ Մետրապոլտին Սեքաստիոյ, որ էր ընդ իշխանութեամբ վեցերորդապետին Կեսարու Կապադովկացւոց. այլ ապա փոխեցան անգամանք իրացն:

Նոր Եպիսկոպոսութիւն Կարնոյ հաստատեցաւ յ30. Ապր. 1850. և Յովսէփ վարդապետ Հաճի Գաւիթ ընտրեցաւ և ձեռնադրեցաւ Եպիսկոպոս ի 25. Յունի. նոյն ամի. և զնաց ի վիճակ իւր ի 29. Օգոստ. 1851. այլ չեղև երկարակեաց ի կեանս իւր:

Յաջորդ եկաց նմին Մեծանունն Յովհաննէս վարդապետ Սէրվիան Բաղիշեցի, աշակերտ Ուրբանեան զպրոցի, որ եղեալն էր յառաջ Ազգապետ կամ քա-

դարային Պատրիարք: Չեռնադրեցաւ սա յամին 1855. և հանգեաւ ի Տէր ի 21. Մայի. 1865. կառոյց Եպիսկոպոսարան մեծագործ:

Յետ սորա յ18. Մայի. 1866. ընտրեցաւ Ստեփանոս Վ. Մեւրխսեղեկեան կարնեցի աշակերտ Ուրբանեան դպրոցի, որ ձեռնադրեցաւ յ2. Յուլի. 1866: Յաւուրս սորա բաժանեցաւ վիճակն յերկուս՝ ի կարին և ի Մուշ: Բազմացոյց զեկեղեցիս ի վիճակի իւրում: Առ վատառողջութեան իւրում հրաժարեցաւ յԱթոռոյն, և առանձնացաւ ի գիւղն Ռապաթ ի հիւսիսակողմն քաղաքին Կարնոյ. և կնքեաց զկեանս իւր սրբակրօն վարուք:

Առ կենդանեաւ նորին ընտրեցաւ և ձեռնադրեցաւ Եպիսկոպոս ի 23. Սեպտ. 1890. Կարապետ վարդապետ Քչուրեան, որ արդ յամաց հետէ առանձնացեալ է ի Կ. Պօլիս:

Որպէս ասացաւն՝ սիրեալ են կաթողիկեայք յայլ և այլ գաւառս և ի գիւղօրէս Վիլայէթին:

Ա. — Ի Կարին և ի մօտակայ գիւղօրէս նորին ի Հինձք, յԱրձաթի և ի Թուանջ: Եկեղեցիք քաղաքին և առաջնոցն երկու գիւղօրէից նուիրեալ են ի պատիւ Ս. Աստուածածնի. իսկ Թուանջին՝ Ս. Յակոբայ:

Բ. — Մեծագոյն բազմութիւն է կաթողիկեայց ի Թորղում և ի Կիսկիմ, ուր գտանին բազում գիւղօրէք, որպէս Նորշէն և Ռապաթ. և իբր տասնեակ գիւղք Խոտորջրի, Մոխրկուտի, և Կարմիրքի. յորս են բազմութիւ եկեղեցիք և մատրուներ:

Գ. — Վերի Բասէն, ուր ի չորս գիւղս կան և բնակին կաթողիկեայք, որոց գլխաւորն է Ալիճագրակ:

Վարի Բասէն, յորում նշանաւոր է գիւղն Ճոասոն:

Են և յԱւաշկերտ ի գիւղօրէս Հայ կաթողիկեայք

յրպէս ի Մուլլա-Սիւլէյման, ի Խասանուր, յԵրիցու գիւղ և այլն:

Վիճակն կարնոյ առ Էջմիածնականս բաժանեալ է յԵօթն Մասունս կամ ի թեմս յորս Էրզրում, Էրիզա, Բարերդ և Պայեզլիտ ընդ առաջնորդութիւն գտանին. իսկ Բասէն, Դերջան և Քղի թեմք են յարակիցք Էրզրումի: Եւ ի վիճակս յայտասիկ կան եկեղեցիքք բազմութեամբ, վանորայք և ժողովուրդ բազում սելի բան 100 հազարաց:

Թիւ Յունաց սակաւ է. և մետրոպոլիտ նոցա նստի Էրզրում, և է ընդ իշխանութեամբ Պատրիարքին Անտիոքայ. չկան ի նոսա կաթողիկեայք:

Զ.

ՏՐԱՊԻՋՈՆԻ ՎԻՃԱԿՆ

Է վիճակ ընդարձակ, և ոչ միայն փակէ յինքեան լիուսակալութիւնն համանուն, այլ և զԱմասիա սանձազ Վիլայէթին Սերաստիոյ: Մեծ բազմութիւն բնակչաց Մահմետական է. գտանին և ոչ սակաւ Քրիստոնեայք Յոյնք և Հայք առաջինք բազմութիւ են ի Վիլայէթին Տրապիզոնի, և երկրորդն յԱմասիա գաւառի: Մահմանք վիճակիս են՝ յարեւելից սահմանք Պետութեան, ի հարաւոյ Էրզրում և գաւառք Սերաստիոյ. յարեւմտից Էնզարէ և Քաստէմունի, և ի Հիւսիսոյ Սեաւ ծովն: Նուազ է թիւ կաթողիկեայ Հայոց, որք բնակին ի Տրապիզոն, ի Սամսոն, ի Մարսուան և յԱմասիա. այլ և սակաւք յայլ տեղիս:

Հնաւուրց է ժողովուրդն Տրապիզոնի, որ աճի եկօր

ի կողմանցն կարնոյ, ունին եկեղեցի, Եպիսկոպոսարան և դպրոց: Սամսոնի ժողովուրդն մեծաւ մասամբ գաղթեալ է յԵւզոկիոյ և ի Տրապիզոնէ, ունի եկեղեցի: Իսկ Մարսուան և Ամասիա նորադարձք են ի քառասուն և աւելի ամաց հետէ. յառաջինն շինեալ է եկեղեցի: Եպիսկոպոսութիւնն Տրապիզոնի սահմանեցաւ յ30. Ապր. 1850. և առաջին Եպիսկոպոս եղև Յովսէփ վարդապետ Առաքելեան որ ձեռնադրեցաւ ի 20. Յուն. 1852. և հրաժարեցաւ յամին 1863:

Յաջորդեաց զնա Յովհաննէս վարդապետ Կիւրեղեան Տրապիզոնցի, որ ընտրեցաւ ի 25. Մարտի 1865. և ձեռնադրեցաւ ի 26. Մայիսի 1865. և հանգեաւ ի Տէր յ18. Օգոստ. 1874:

Զամս երիս մնաց պարապ. և ապա ընտրեալ հաստատեցաւ ի 14. Օգոստ. 1879. Եպիսկոպոս Տրապիզոնի Պօղոս վարդապետ Մարմարեան Տրապիզոնցի, որ ձեռնադրեցաւ ի 23. Սեպտ. նոյն ամի. և հանգեաւ ի Տէր:

Յաջորդ եղև սմա Ստեփանոս վարդապետ Արիկեան Կ. Պօլսեցի, ընտրեցաւ և ձեռնադրեցաւ ի 25. Յունիսի 1903: Եւ վարէ զայն Աթոռ մինչև ցայսօր:

Ի վաղ ժամանակաց կան Լատինք ի Տրապիզոն, ի ձեռն Քարուչին կրօնաւորաց, որք ունին առաքելութիւնս երիս զՏրապիզոնի. զՔիրասունի և զՍամսոնի: Յետոյ ուրեմն հաստատեցան Յիսուսեան կրօնաւորք յԱմասիա և ի Մարսուան: Իսկ ազգն Յունաց, յորս ոչ գտանին կաթողիկեայք, ունին մետրոպոլիտոս երիս՝ զՏրապիզոնի զԱմասիոյ և զԿիւմլիշխանէի ընդ իշխանութեամբ Պատրիարքին Կ. Պօլսի:

Են ի Մարսուան և բողոքական Հայք, որպէս և յայլ տեղիս վիճակին:

ՍԵՐԱՍՏԻԱ ԵՒ ԵՒԴՈՎԻՍ.

Երկու վիճակք էին յառաջագոյն. այլ ապա միացան ընդ միով հովուաւ. յորոց Սերաստիա ընկալաւ գյորջորջումն Արքեպիսկոպոսի կոնդակաւն Quod ab Episcopis տուեալ յ30. Մայի. 1892. իսկ Եւզոկիա մնաց Եպիսկոպոսական Աթոռ ընդ նովաւ:

Մեծ մասն գաւառին Սերաստիոյ և գաւառն Նիկոպօլսի կազմեն զվիճակն Սերաստիոյ. իսկ գաւառն Թոգաղու նորին վիլայէթի՝ զԵւզոկիոյն:

Միացեալ վիճակս այս, որ յօրինեալ գործէ գարեկեայ կեդրոն փոքուն Ասիոյ՝ ընդարձակ է, և բովանդակէ յինքեան զբազմութիւն ժողովրդեան իբր 900,000. յորոց 57,000 Յոյնք են՝ 180,000 Հայք, 2000 բողոքականք, 400 հրեայք: Այլ և այնպէս այս թիւք չեն ճշդագոյնք: Մեծ մասն ժողովրդեան Մահմետականք են յայլ և այլ տոհմս և յազգս:

Կաթողիկեայց թիւ չէ մեծ ինչ. կեդրոն է նոցա Բրգնիք զիւղն մօտ յոյժ Սերաստիոյ. ունի եկեղեցի Ս. Սարգիս, Առաջնորդարան և երկու դպրոցս մեծաշէնս և նորակառոյցս: Սակաւ յոյժ են կաթողիկեայք ի Սերաստիա, ունին եկեղեցի Ս. Վլաս և բնակարանս քահանայից: Երկու եկեղեցիք են ի Կիւրին Ս. Աստուածածին և Ս. Փրկիչ. և թիւ ժողովրդեանն սակաւ իբր 400:

Թիւ կաթողիկեայց Եւզոկիոյ հասանէ ի հազար

մի և եթ. մեծ է եկեղեցի քաղաքին նուիրեալ ի պատիւ Աւետման Ս. Կոյս Աստուածածնին, առ որում կայ և Առաջնորդարան նորոգեալ. կայ մատուռ մի ի Մալ—գայասի և վանք Անարատ Յղութեան Ս. Կուսին ի Գօճաճըզ: Կաթողիկեայք կողմանցս հնաւուրցք են առ հասարակ:

Յառաջագոյն համարեալ էր վիճակս այս իբր առանձինն թեմ Պատրիարքական և տեղապահք կաթողիկոսին վարէին զայն յանուն նորա, յորոց սակի էին և Միքայէլ Արքեպիսկոպոս Տէր Աստուածատրեան և Իգնատիոս Եպիսկոպոս Գալըպճեան:

Յամին 1858. ձեռնադրեցաւ Արքեպիսկոպոս Սեբաստիոյ Ներսէս վարդապետ Հալէպլեան աշակերտ վանաց Զմմառի, որ զամս Ը. կալեալ զաթոռն հանգեաւ ի Տէր յամին 1866: Իսկ Եւզոկիոյ հովիւ եղև Արսէն վարդապետ Ա. վ. Անճարակեան, յԱնտոփեան ուխտէ, որ ձեռնադրեցաւ 12. Օգոստ. 1859. և հրաժարեցաւ յ17. Յուլի. 1865. և առանձնացեալ ի Հոովմ հանգեաւ ի Տէր:

Այնուհետև մինչև ցամն 1877. քնացին Սեբաստիա և Եւզոկիա ի ձեռս Պատրիարքական փոխանորդաց զամս իբր երկոտասան:

Ապա ի 14. Օգոստ. յամին 1877. հաստատեցաւ և ի 23. Սեպտ. նորին ամի ձեռնադրեցաւ Եպիսկոպոս Սեբաստիոյ և մատակարար Եւզոկիոյ Կարապետ վարդապետ Գատիֆեան, որ յամին 1890. հրաժարեալ առանձնացաւ յԵւզոկիա. և հանգեաւ ի Տէր:


Յետ նորա յաջորդ եղև Աթոռոյն Սեբաստիոյ և Եւզոկիոյ Սահակ վարդապետ Հաճեան, որ ձեռնադրեցաւ յ8. Ապր. 1892. և յ30. Մայի. նոյն ամի կոչեցաւ Արքեպիսկոպոս Սեբաստիոյ և Եպիսկոպոս Եւզոկիոյ: Որ ապա յամին 1905. հրաժարեցաւ յաթոռոյն, և առանձնացաւ ի Կ. Պօլիս՝ անուանեալ Արքեպիսկոպոս Պիզունթայի:

Է և լատինաց առաքելութիւն ի Սերաստիա և յԵւզոկիա ի ձեռս Յիսուսեանց. այլ չկան անդ լատին ժողովուրդք:

Երբեակ վեճակք են Էջմիածնական Հայոց՝ Սերաստիա, Եւզոկիա և Նիկոպոլիս, որք հպատակին այժմ Պատրիարքութեան Կ. Պօլսի:

Նաև Սսոյ Աթոռն ունի վիճակս երիս ընդ իւրով իրաւասութեամբ Ա. Տիվրիկ. Բ. Կիւրին, որ յառաջն բաժանէր յերիս ի Կիւրին, ի Մանճըլըք. և Կէմէրէկ էր մասն վիճակին Եօզկաթի, զորս միաբանեաց այժմու կաթողիկոսն ի մի. և Գ. Տէրէնտէ:

Սերաստիա էր յառաջագոյն Աթոռ մեծ և ընդարձակ, որ ունէր ընդ իւր և բազում Եպիսկոպոսարանս. էին նորա և մեծանուն Եպիսկոպոսք փայլեալք սրբութեամբ, որպիսի էր Ս. Վլաս, և Ս. Պետրոս եղբայր Մեծին Բարսղի և այլք. նոյնպէս և Աթանագինէս Պիտակթոլեայ Եպիսկոպոս և Ս. Գրիգոր Նիկոպօլսի. թող և զբազմութիւն Մարտիրոսաց, յորս հռչակաւորք են Քառասունքն Սերաստիոյ. և Եւստոասիոսեանք:



ՎԻՃԱԿՆ ՄԵԼԻՏԻՆԵԱՅ

Այս վիճակ բովանդակէ յինքեան զգաւառն Մե-
լիտինոյ կամ Մալաթիայի, որ սանճագ է կուսակա-
լութեան Խարբերդի, այն է Մամուրիէթ էլ Ազիզ:

Մահմետական է բազմութիւն բնակչացն և յաւէտ
ի Քրդաց բաժանելոց յայլ և այլ տոհմս: Նուազ է
թիւ Հայոց գտանին և Ասորի Եագուպիք սակաւք:

Փոքր մասն մի ի Հայոց միացեալ է ընդ Ս. Ե-
կեղեցւոյ սկսեալ ի կէս դարէ, որք բնակին ի Մա-
լաթիա և ի գիւղօրէս նորա, ի քաղաքին կայ եկե-
ղեցի և Եպիսկոպոսարան և դպրոցք: Նոյնպէս ի Պե-
հեանի և ի Հիսն Մանսուր, որք ունին եկեղեցի, ևս
և ի գիւղօրէս վերջնոյն:

Կայ ի Մալաթիա առաքելութիւն Քարուչին կրօնա-
ւորաց, այլ սակաւ է թիւ ժողովրդեան նոցա, ունին
սորա եկեղեցի ի քաղաքին և կայս ուրեք ուրեք:

Կարի սակաւ է թիւ Ասորի կաթողիկեայց ի սահ-
մանս Հիսն Մանսուրի:

Ի վաղ ժամանակաց սկսեալ է Աթոռն Մելիտինեայ,
յերկրորդ և յերրորդ դարս յիշատակին Ս. Եպիս-
կոպոսունքն Յուսիկ և Ակակ, ամբարձաւ ապա յաթոռ
մետրոպօլտական: Յետ ժամանակաց անկաւ յոյժ այս
եկեղեցի, և տկարացաւ:

Մինչև շնորհօքն Աստուծոյ ամբարձաւ ի նոյն Ղե-
ւոնդ վարդապետ Խոռխոռունի ի Բրզնկոյ, աշակերտ

Վանաց Զմմառի զոր ձեռնադրեաց Գրիգոր Պետրոս Ը. 77. Ապր. 1861: Սա եղև հիմնադիր այսր Առաքելութեան, որում օժանդակեցին և այլ Միաբանք վանաց Զմմառի ջանիւ մեծաւ և բազմապատիկ աշխատութեամբ:

Յաջորդ եղև սմա Միքայէլ վարդապետ Խաչատուրեան աշակերտ վանաց Զմմառի, որ ձեռնադրեցաւ Եպիսկոպոս ի 6. Փետր. 1899. և վարէ զայն մինչև ցայսօր ժամանակի:

Հայր՝ որ ի սմա պատկանին Աթոռոյն Սսոյ, և յառաջն բաժանէին յերիս մասունս, ի Մալաթիա, ի Պեհեանի և ի Հիսն Մանսուր. և կային ի վերայ նոցա երեք առաջնորդք ուրոյն. իսկ այժմ նոր Պատրիարքն Սսոյ ամփոփեաց զայն ի մի միայն աթոռ Մալաթիոյ:

Թ.

ՄԱՐԱՇ ԿԱՄ ԳԵՐՄԱՆԻԿ

Սանճագն Մարաշ, որ մասն է կուսակալութեան Հալէպի, յօրինէ զվիճակս: Մեծագոյն մասն բնակչացն Մահմետականք են՝ թուրք, ֆուրքք և թուրքմէնք՝ յայլ և այլ տոհմս զատուցեալք, ևս Չէրգէզք: Են և հայք ոչ սակաւք:

Կաթողիկեայք նուազ են թուով ի հայս. և մեծ մասն ի նոցանէ բնակի ի Մարաշ քաղաքի, ուր կան եկեղեցի, եպիսկոպոսարան և դպրոցք: Են ևս կաթողիկեայք ի Չեթուն, յԷլ-Պօսթան և յայլ տեղիս, յառաջին երկուսն կան եկեղեցիք և բնակարանք քահանայից, և դպրոցք:

Են ի վիճակիս Լատին քարոզիչք ի կարգէ Ս. Փրանկիսկոսի, որք ունին առաքելութիւնս ի Մարաշ, յԵէնիճէգալէ, ի Պունճուք և ի Կապան:

Առաջինն յԵպիսկոպոսաց, որ յետ Աբրահամու Պետրոսի Ա. անուանեցաւ յանուն Մարաշոյ՝ եղև Ղուկաս վարդապետ Անթափցի. որ ձեռնադրեցաւ յամին 1752. և ոչ գնաց ի վիճակ իւր. այլ առանձնացաւ ի Կ. Պօլիս, ուր և ի խոր ձերութեան կնքեաց զկեանս իւր յամին 1795. յամեսանն Օգոստոսի:

Յետ մետասան ամաց կարգեցաւ ի նոյն Աթոռ Պետրոս վարդապետ Ճէրանեան Քիլիսցի աշակերտ վանաց Զմմաոի. այլ սքանչելի զիտութեամբ և սրբութեամբ, որ ձեռնադրեցաւ Եպիսկոպոս յամին 1806. և ոչ կարաց գնալ ի վիճակ իւր, ուր չկային կաթողիկեայք. այլ բնակէր ի վանս Զմմաոի: Եւ յետ վեց ամի ընտրեցաւ Պատրիարք Տանն Կիլիկիոյ յամին 1812. և անուանեցաւ Գրիգոր Պետրոս Զ:

Սմա՝ զկնի երեսուն ամաց, յաջորդ եղև Պետրոս վարդապետ Աբէլեան Անկիւրացի աշակերտ վանաց Զմմաոի, որ ձեռնադրեցաւ Եպիսկոպոս յամին 1842: Սա յամին 1859. չոգաւ ի վիճակ իւր, ծաղկեալ պայծառացոյց զայն, և եղեալ հիմնադիր այնր վիճակի՝ յորջորջեցաւ Մեծ ի ժողովրդենէ իւրմէ: Հանգեաւ ի Տէր յամին 1875:

Ապա ի 14. Օգոստ. 1877. ամբարձաւ յայն Աթոռ Կղեմէս վարդապետ Միքայէլեան աշակերտ Անտոնեան ուխտի, որ ձեռնադրեցաւ ի 23. Սեպտ. նոյն ամի և հանգեաւ ի Տէր:

Եւ յետ ամաց ինչ կալաւ զաթոռն Աւետիս վարդապետ Թուրքեան աշակերտ վանաց Զմմաոի, որ ձեռնադրեցաւ ի 23. Սեպտ. 1890 ապա յետ իրր մետասան ամաց հրաժեշտ տուեալ անտի՝ ընտրեցաւ Արքեպիսկոպոս Բերիոյ:

Յաջորդ եղև սմա Յովհաննէս վարդապետ Մուրատեան, որ ամբարձաւ ի նոյն ի 28. Օգոստ. 1901. և ձեռնադրեցաւ ի 4. Գեկտ. նոյն ամի. որ և հրաժեշտ տուեալ յաթոռոյն առանձնացաւ ի վ.անս Զմմառի յամին 1905:

Առ Էջմիածնականն՝ Աթոռոյն Ստոյ պատկանի վիճակն Մարաշոյ. յառաջագոյն այլազգ ինչ բաժանեալ էր. այլ ապա կաթողիկոսք, որ ի Սիս՝ միաբանեցին զայն ի մի միայն Աթոռ. իսկ մօտ ի կէս ժ.Ղ. դարուն բաժանեցին յերկուս ի Մարաշ և ի Զեթուն. յոր յաւելին և երրորդ՝ Ֆորնոս, իսկ այժմու կաթողիկոսն՝ միացոյց ի մի զԶեթուն և զՖորնոս, և ֆնացին արդ երկու թեմք՝ Մարաշ և Զեթուն:

Ժ .

ՎԻՃԱԿՆ ԲԵՐԻՈՅ ԿԱՄ ՀԱԼԷՊԻ

Բովանդակի ի սմա Հալէպ Սանճագ համանուն վիլայէթին, ունի ևս զմասն Զօր Սանճագի որ յարևմտից Եփրատայ հանդերձ զլիսաւոր քաղաքան: Մահմետանք համարին 700,000. Հայ կաթողիկեայք իրր 9000. Հայ Էջմիածնականք 30,000. Մեւլեթք 10,000. Յոյնք, 15,000. Մարոնիք 5,000. Ասորիք 3,000. և Ասորի Յակոբիկ 37,000, (որ թուի առաւելեալ) և այլ ևս ժողովուրդք որպէս և լատինաձէսք, որոց մեծ մասն ի Հայոց են:

Ի Բերիա բազմաթիւ են կաթողիկեայ Հայք քան զբաժանեալն, և ունին եկեղեցի և մատուռն, Եպիսկոպոսարան և դպրոցս, յորոց մին բարձրագոյն: Կան ևս ի Քիլիս, յԱնթափ և ի Քեսապ, որք ունին եւ

կեղեցիս, մէն մի դպրոց յիւրաքանչիւր տեղիս, որ-
պէս և շուրջ գիւսասպաւ, և ի Պրլան և ի Նիզիպ:
Են ի վիճակին երեք Հայ գիւղք Խըտըտ-պէկ, առ
Սաւէտիոյ Գնէի մօտ ի ճլատը Շուղուր և Պաղճղազ առ
երի Քեսասպայ, յորս Հայք հետեւին լատին ծխի ընդ
առաջնորդութեամբ փրանկիսկեան կրօնաւորաց, յորոց
ձեռս է ևս և Նիզիպ գիւղ կամ աւան Պիլէճիկի,
Եպիսկոպոսութիւնն Բերիոյ հին է, այլ ոչ Հայոցն:
Թովմաս Եպիսկոպոս զնաց ընդ Պատգամաւորս Կոս-
տանդին Վահկեցի կաթողիկոսի ի ժողովն Փլորեն-
տիոյ և այլք ոմանք ընդ կաթողիկոսաց Ստոյ գրեցին
թուղթ Միաբանութեան ի Հոովմ: Այլ գալով ի նոր
ժամանակ, Արրահամ Անթապիցի եղև առաջին Եպիս-
կոպոս Բերիոյ, որ ձեռնադրեցաւ ի քաղաքի անդ ի
Պետրոս Պիսակ կաթողիկոսէ Ստոյ. յամին 1710. և
զամս երեսուն վարեաց զայն պաշտօն ի մեծամեծ
դժուարութիւնս և տագնապս. և յամին 1740. ըն-
տրեցաւ կաթողիկոս Պատրիարք Կիլիկիոյ:

Ի նմին 1740. ամի ձեռնադրեցաւ Եպիսկոպոս
Յակոբ վարդապետ Յովսեփեան, նախ իբր օգնիչ. և
ապա յաջորդ նորին Արրահամու, որ և յետ նորա
կալաւ զաթոռ կաթողիկոսութեան յամին 1749:

Սա յառաջ քան զմահ իւր ընտրեալ էր Արքե-
պիսկոպոս Բերիոյ. զՀ. Միքայէլ վարդապետ Գաս-
պարեան յԱնտովեան Ուխտէ, և կոչեալ էր իսկ զնա
ի Լիբանան առնուլ զձեռնադրութիւն Եպիսկոպոսու-
թեան. այլ յառաջ քան զհասանելն ննջեաց Հայրա-
պետն ի Տէր. և ձեռնադրեցին զնա Եպիսկոպոսունք
ի պարապութեան Աթոռոյն յամին 1753. որ և ան-
դէն ընտրեցաւ Պատրիարք Տանն Կիլիկիոյ ի նմին
ամի: Չեղ սա փոխան իւր զայլ որ՝ Եպիսկոպոս Բե-
րիոյ. այլ ինքնին վարէր զայն աթոռ գործակալօք
զամս բազումս: Յետոյ ուրեմն ի վերջին աւուրս կե-

նաց իւրոց , որոշեաց . զի կալցի զԱթոռն Բերիոյ
Գարրիէլ վարդապետ Ղազիւլեան աշակերտ վանաց
Զմմառի :

Գարրիէլ Ա. ձեռնադրեցաւ յԵպիսկոպոսաց ի պա-
րապութեան անդ Պատրիարքական Աթոռոյն . և հան-
գեաւ ի Տէր յամին 1811 :

Յաջորդ եղև սմա Գարրիէլ Բ. Խըտէյտեան բե-
րիացի աշակերտ վանաց Զմմառի , ձեռնադրեցաւ
յամին 1811, և հանգեաւ ի Տէր յամին 1823 :

Արրահամ Բ. Քիւրէլեան Քիլիսցի աշակերտ վա-
նաց Զմմառի , սա ձեռնադրեցաւ ի Գրիգոր Պետրոս
Զ. կաթողիկոսէ , և հանգեաւ ի Տէր յամին 1833 .
են սորա գրուածք ոտանաւոր ընդ ուրումն էջմիած-
նականի ի նիւթ հաւատալեաց :

Բարսեղ վարդապետ Այվազեան բերիացի աշա-
կերտ վանաց Զմմառի , ձեռնադրեցաւ ի նոյն Գրի-
գոր Պետրոս Զ. է յամին 1838 . և հանգեաւ ի Տէր
յամին 1859 .

Գրիգորիոս վարդապետ Պալիթեան բերիացի ձեռ-
նադրեցաւ ի Գրիգոր Պետրոս Ը . կաթողիկոսէ յ2 .
Փետր . 1861 , և հանգեաւ ի Տէր ի 28 Գեկտ . 1897 :

Ազա ի Մարաշոյ փոխադրեցաւ յԱթոռն Բերիոյ
Աւետիս Եպիսկոպոս թուրքեան աշակերտ վանաց
Զմմառի յամսեանն Մարտի 1899 . և յամին 1900 .
յամսեանն Յունիսի հանգեաւ ի Տէր :

Եւ ընտրեցաւ ի տեղի նորա Օգոստինոս վարդա-
պետ Սայէղեան բերիացի , որ ձեռնադրեցաւ ի 6 .
Յուլիս 1902 . և վարէ զԱրքեպիսկոպոսական Աթոռն
Բերիոյ մինչև ցայսօր :

Վիճակն Բերիոյ ըստ բոլորին պատկանի Աթոռոյն
Սսոյ և յառաջագոյն բաժանեալ էր ի հինգ վիճակս ,
որք էին Հալէպ , Քիլիս , Անթափ , Իսկէնտէրուն և
Անտիոք : Իսկ այժմու կաթողիկոսն ամփոփեաց զայնս

յերիս, որք են Ա. Հալէպ ընդ Քիլիսի, Իսկէնտէ-
րունի և Պելանի Բ. Անթափ և Գ. Անտիոք և որ
շուրջ զնովաւ, որք ունին ուրոյն Առաջնորդս:

Կաթողիկեայ Յոյնք, Ասորիք և Մարոնիք ունին
զԱրքեպիսկոպոսունս մէն միոյ յազգացդ: Լատինաց
են Առաջնորդ Փրանկիսկեանք, գտանին և ի Յիսու-
սեանց, է և Քաղղէացւոց փոխանորդ Պատրիարքա-
կան:

Նաև բաժանեալ Յոյնք ունին զԱռաջնորդ իւրեանց:

ԺԱ.

ՎԻՃԱԿՆ ԱՏԱՆՈՅ

Վիլայէթն Ատանոյ լրին իւրով յօրինէ զվիճակն
համանուն. մեծ մասն բնակչաց Մահմետական է,
Թուրք, Քուրդ, Թիւրքմէն և Նըսէյրի. յետ սոցա են
Հայք, և ապա Յոյնք և յաւէտ ի սահմանս Իչ-էլիի:
Կան ևս Մարոնիք, Յոյն կաթողիկեայք, Ասորիք,
Քաղղէացիք, և Լատինք, որոց առաջնորդեն՝ Յիսու-
սեանք յԱտանա, Քարուչինք ի Մերսին և Լազարեանք
հոգ տանին հոգևորական պիտոյից ժողովրդեան, որ
հայ է ազգաւ և բնակի յԱզպէս:

Կաթողիկեայ Հայք միանալ սկսան ընդ եկեղեցւոյ
յամին 1849. և աճեցան հետզհետէ. ունին եկեղեցի
առաջնորդարան և դպրոցս յԱտանա. կան եկեղեցիք
և բնակարանք ի Հաճին և ի Սիս. հիմնարկեալ է
եկեղեցին Տարսոնի. կայ բնակարան ի Մերսին:
Կուսանք Ա. Յղութեան առաջնորդեն դպրոցի աղ-
ջըկանց յԱտանա և ի Հաճին:

ի վաղ ժամանակս կային Եպիսկոպոսարանք ի Կիլիկիա յայլ և այլ գաւառս բաժանեալք: Յետ ՃԱ. դարուն բազմացան և Հայ Եպիսկոպոսունք. իսկ զկնի նորոգութեան կաթողիկէ Հայրապետութեան Հայոց անուանեցաւ առաջին Եպիսկոպոս յանուն Ատանոյ Գրիգոր վարդապետ Քիլիսցի, որ ձեռնադրեցաւ յամին 1774. և ապա յամին 1788. ընտրեցաւ Պատրիարք տանն Կիլիկիոյ:

Յետ եօթն և տասն ամաց պարապութեան՝ նա ինքն Գրիգոր Պետրոս Ե. յամին 1805. ձեռնադրեաց Եպիսկոպոս Ատանոյ զՄանուէլ վարդապետ Բերիացի աշակերտ վանաց Զմմառի, որ հանգեաւ ի Տէր յամին 1813:

Զամս եօթն մնաց աթոռն պարապեալ և ապա յամին 1820. ձեռնադրեցաւ Եպիսկոպոս Ատանոյ Ստեփանոս վարդապետ Հօլասեան անկիւրացի աշակերտ վանաց Զմմառի. և մինչև ցվախճան կենաց իւրոց վարեաց զպաշտօն աթոռակալութեան. և սըրբակրօն վարուք ննջեաց ի Տէր յամին 1861:

Եւ ոչ մի յերից Եպիսկոպոսացս գնաց և բնակեցաւ ի վիճակի իւրում. զի որպէս ասացան, յառաջ քան զամս 1849. չկային կաթողիկեայք ի կողմանս յայնոսիկ. և յետ այնորիկ, զի Ստեփանոս Արքեպիսկոպոս անցեալ էր զաւուրքք. ամին իրի և փոխան նորա չոգաւ անդր առ ժամն նորընտիր Եպիսկոպոսն Աղեքսանդրիոյ Եգիպտացւոց. և ապա եկաց անդ կաթողիկոսական փոխանորդ զամս ինչ Յովհաննէս Եպիսկոպոս Հաճեան Կեսարիոյ: Եւ զամս քսան և չորս չեղաւ որ յանուն Ատանոյ:

Իսկ ի 24. Մայիսի յամին 1885. ձեռնադրեցաւ Եպիսկոպոս Ատանոյ կարապետ վարդապետ Ասլանեան Ատանացի աշակերտ վանաց Զմմառի, որ յետ իբր հնգից ամաց անուանեցաւ ի 23. Սեպտ. 1896

փոխանորդ կաթողիկոսական և յորջորջեցաւ Արքեպիսկոպոս Յերասուլիս:

Յաջորդ եղև սմա Պօղոս վարդապետ Թերզեան կուտինացի աշակերտ ուրբանեան դպրոցի, որ ձեռնադրեցաւ յՑ. Ապր. 1892. և վարէ զաթոռ իւր յաջողութեամբ մինչև ցայսօր:

Ընտրելագոյն Մասն Աթոռոյն Ստոյ է վիճակն Ատանոյ, որ յառաջագոյն բաժանեալ էր յեօթն մասունս կամ թեմա, որք էին Ատանա, Տարսոն, Մերսին, Սիս, Հաճին, Ճէպէլը Պէրէքէթ, և Փայաս: Իսկ այժմ կաթողիկոսն ամփոփեալ է յերիս միայն. Ա. Հաճին. Բ. Սիս և որ շուրջ զնովաւ և ընդ նմա Ճէպէլը-Պէրէքէթ: Գ. Ատանա որ ընդ սանճագացն Իջ-էլիսի, և Մերսնի կազմեալ է ի մի թեմ:

ԺԲ.

ՎԻՃԱԿՆ ԿԵՍԱՐԻՈՅ

Բովանդակէ յինքեան զՍանճագն կեսարիա և զայլ քանի մի տեղիս կուսակալութեան Անկիւրիոյ. ևս և զկուսակալութիւնն Գոնիայի անթերի: Ի զաւատին կեսարիոյ և յայլ յարակից տեղիս մեծ է բազմութիւն այլազգեաց, են և Հայք ոչ սակաւք, այլ և Յոյնք: Իսկ ի Գոնիա թուրք է մեծագոյն մասն բնակչաց. գտանին Յոյնք և Հայք:

Սակաւ են կաթողիկեայ Հայք, որք բնակին ի կեսարիա, ունին Եկեղեցի Մեծ և առաջնորդարան. կան և այսր անդր կաթողիկեայք նուազ թուով, որք չեն տակաւին կարգաւորեալք:

Կարի սակաւ են Յոյն կաթողիկեայք, որք ունին քահանայ առաքեալ ի Կ. Պօլսէ. ունին առաքելութիւն և դպրոց Յիսուսեան Հարք. այլ չկայ լատին ժողովուրդ:

Հռչակեալ էր Աթոռն Կեսարիոյ ի հնումն, ունելով իւր վեցերորդապետ հիւսիսային փոքուն Ասիոյ հանդերձ ԺԳ. մետրապօլտութեամբք: Առ Հայս ընդ իրաւասութեամբ Աթոռոյն Սոյ էր ժամանակս բազումս: Աբրահամ Պետրոս Ա. և յաջորդք նորա չկամեցան անուանել զորք յանուն նորա. զի և ոչ գոյր անդէն կաթողիկեայ ժողովուրդ: Սակայն Գրիգոր Պետրոս Ա. ձեռնադրեաց զՄիքայէլ վարդապետ Բրգնիքցի աշակերտ վանաց Զմմառի զայր ականաւոր, և առաքեաց իսկ զնա յետ ամաց ինչ ի Սերաստիա իբր կաթողիկոսական փոխանորդ, հոգ տանել ի մօտոյ և վիճակին Կեսարիոյ: Ընտրեցաւ սա յամին 1844. Պատրիարք Տանն Կիլիկիոյ:

Եւ յետ վեցից ամաց անուանեաց եպիսկոպոս Կեսարիոյ զՅովհաննէս վարդապետ Հաճեան Բրգնիքցի աշակերտ վանաց Զմմառի, և ձեռնադրեցաւ յամին 1850: Սա եկաց զամս բազումս յԱտանա իբր փոխանորդ կաթողիկոսական, և զժամանակ մի ի վանս Զմմառի իբր Աթոռակալ: Եւ զի սկսեալ էին ոմանք ի կեսարացւոց միաբանիլ ընդ Ս. Եկեղեցւոյ. չոգաւ ի վիճակ իւր. և հանգեաւ ի Տէր ի 18. Մայի. 1880:

Յաջորդ եղև սմա Պօղոս վարդապետ Էմմանուէլեան, որ ձեռնադրեցաւ ի 26, Օգոստ. 1884: Աստուաւ աւարտեցաւ շինութիւն եկեղեցւոյ քաղաքիս: Եւ ի 24. Յուլի. 1899. ընտրեցաւ Պատրիարք Տանն Կիլիկիոյ:

Յետ որոյ կոչեցաւ յեպիսկոպոսութիւն Մատթէոս վարդապետ Սիւլեան Մարաշցի. որ ձեռնադրեցաւ ի 10. Նոյեմբ. 1901. և վարէ զայն մինչև ցայսօր:

Ան էջմիածնականս երկու են թեմք կեսարիոյ .
և նորոգ հաստատեալ թեմն Գոնիոյ, որ յինքն գրաւէ
զկուսակալութիւն համանուն:

ԺԳ.

ՎԻՃԱԿ ԱՆԿԻՒԻՐԻՈՅ

Հնաւորց են կաթողիկեայք ի քաղաքին և զնու-
վաւ. և ի վերջին դարս եկաց անդ յաջորդութիւն
եպիսկոպոսաց ի միութեան ընդ եկեղեցւոյ սրբոյ,
որ ապա դադար կալաւ զժամանակ մի:

Վիճակս այս ծաւալի ի մեծ մասն կուսակալու-
թեան Անկիւրիոյ և ի բոլորն Քաստամունի: Բազ-
մաթիւ յոյժ են ի բնակիչան, թուրք Մահմետականք.
կան Հայք և Յոյնք:

Մեծ է թիւ կաթողիկեայ Հայոց ի գլխաւոր քա-
ղաքին, ուր ունին զչորս եկեղեցիս հոյակապս, ունի
կուսաստան, որ պարապի ի դաստիարակութիւն
աղջկանց. դպրոցս, բազմութիւն քահանայից և որ
ինչ այլ կարևոր իրք ի յառաջադիմութիւն:

Կան կաթողիկեայ Հայք ևս յինէպօլի. ի Քէրէտէ
ի Պօլու և այլուր, որք գաղթեալ են յԱնկիւրիոյ,
գտանին և յԵօզղաթ և ի սահմանս նորս ոմանք նո-
րոգ միացեալք, որոց արդ նուագեալ է թիւ:

Յամին 1850. յամսեանն Ապր. 30. հաստատե-
ցաւ Եպիսկոպոսութիւնն Անկիւրիոյ, և ընտրեցաւ ի
նոյն Աթոռ Անտոն—Լիզեմէս Շիշմանեան. ձեռնադրու-
թիւնն կատարեցաւ ի 20. Յունի. յամին 1850.
այր էր սա հոյակապ, որ պայծառացոյց զիւր վիճակ,
և հանգեաւ ի Տէր յամին 1863:

Յաջորդ եղև սմա Յովսէփ վարդապետ Առաքելեան աշակերտ Ուրբանեան զպրոցի, որ ի 22. Գեկտ. 1863. փոխադրեցաւ անդր ի Տրապիզոնէ. և անդ հանգեաւ ի Տէր:

Յետ ամաց ինչ ի նոյն Աթոռ ընտրեցաւ Կարապետ վարդապետ Առաքելեան ի 14. Օգոստ. 1877. և ձեռնադրեցաւ ի 23. Սեպտ. նոյն ամի: Այլ զի անցեալ էր զաւուրբք, հրաժարեալ առանձնացաւ ի Կ. Պօլիս. և փոխան նորա եղաւ Կարգաւոր իշխանութեամբ առաջնորդ Յովհաննէս Ծ. Վ. Հօլասեան: Իսկ Կարապետ եպիսկոպոս վախճանեցաւ ի Կ. Պօլիս ի 27. Ապր. 1889. ի հասակի ութսուն և հինգ ամաց:

Ապա յԱթոռոյն Մշոյ անդր փոխադրեցաւ յամին 1890. Յովհաննէս Եպիսկոպոս Յովհաննէսեան. և վախճանեցաւ անդ յամին 1899:

Եւ յետ ամաց ընտրեցաւ Կղեմէս վարդապետ Ղազարոսեան, որոյ ձեռնադրութիւնն եղև ի 10. Նոյեմբ. 1901. և վարէ զաթոռն զայն մինչև ցայսօր:

Երեք թեմք են Հայոց բաժանելոց ի վիճակիս յայսմիկ. Ա. Անկիւրիա, որ յառաջն ընդարձակ յոյժ էր. և այժմ ամփոփեալ ի գլխաւոր մասն Վիլայեթին. Բ. նորահաստատ թեմն Քասթէմանիի: Եւ ի Եօզղաթ. որ պատկանի Աթոռոյն Ստոյ:

ՎԻՃԱԿՆ ՊՐՈՒՍԱՅԻ

Բովանդակէ յինքեան զմեծ Վիլայէթն Խուտավեն տիկեար. որ է հինն Բիւթանիա, մասամբ Փոլսիոյ և Հելեսպոնտեան Միւսիոյ: Պրուսա կայ ի կեղրոնի, ուր նստի Եպիսկոպոսն, և են ընդ իշխանութեամբ նորա Քէօթահեա, Պիլէճիկ, Թիւրքմէն, և այլ ևս տեղիք. Պրուսա, Քէօթահեա և Պիլէճիկ ունին եկեղեցիս և դպրոցս. կայ յառաջինն և եպիսկոպոսարան: Իսկ Իզնիմիտ, Պահչէճիկ և այլ տեղիք շուրջ զնորք, պատկանին արդ Աթոռոյն Կ. Պօլսի:

Բազմութիւն ընակչացն Մահմետական են, կան ևս Հայք և Յոյնք. եւս Լատինք սակաւք իւրեանց քարոզչօք:

Եպիսկոպոսութիւն քաղաքիս հաստատեցաւ յՅՕ. Ապր. 1850. և ընտրեցաւ առաջին Եպիսկոպոս Գրիգոր վարդապետ Պահատուրեանն որ ձեռնադրեցաւ ի 23. Օգոստ. 1850. և հանգեաւ ի Տէր:

Յաջորդ եղև սմա Պետրոս վարդապետ Թիւրքեան, որ ընտրեցաւ ի 23. Օգոստ. 1858. ձեռնադրեցաւ յամին 1859. ի քանի մի նուագս յանձն եղև սմա տեղապահութիւն Պատրիարքական Աթոռոյն բացակայութեան Պատրիարքին. և վախճանեցաւ (հ. տ.) Մայի. 1885. ի հասակի 76. ամաց կենացն:

Կամք եղեն ապա զնել ի տեղի նորա զՅովհաննէս վարդապետ Հօլասեան Կ. Պօլսեցի. այլ չև ընտրու-

Թեանն ի գլուխ ելեալ եհաս վախճան կենացն: Ուստի և Յարութիւն ճամճեան, որ ի 16. Սեպտ. 1884. հրատեղատուեալ էր Եպիսկոպոսութեան Մշոյ, կարգեցաւ ի 1. Յունի. 1886. Եպիսկոպոս Պրուսայի, զոր վարէ մինչև ցայսօր:

Իսկ Հայ Էջմիածնականը ունին թեմս վեց, Պրուսա, Պիլէճիկ, Կուտինա — Աֆիոնգարահիսար, և Պանտրրմա — Պալքըէսրի:

Կ. ՊՕԼԻՍ ԵՒ ՈՐ ԶՆՈՎԱԻ

Պատրիարքն Կիլիկիոյ ունի հաստատուն բնակարան ի Կ. Պօլիս, զոր վարէ կարգաւոր իրաւարանութեամբ, և սահմանը պատկանեալը նմին են յԱսիական Տաճկաստանի Իւսկիտար մինչև ի Նիկոմեդիա՝ փաղառութեամբ նահանգին, յորում գտանին Պարտիզակ, Եուվաճըք, Սապանճա, Սթանքէոյ, Սալանպէյ, և Տէօնկէլ: Եւ յանցից Կ. Պօլսի մինչև ցգեան Զարարիա, որ հոսի ի Սեաւ Ծով: ՅԵւրոպական Տաճկաստանի երևելի քաղաք են Ռոտոսթօ, Էտրնէ, Սալոնիկ ևն:

Լիբանան՝ յորում են Զմմառ կեդրոն՝ համանուն Միաբանութեան. և Պէյթիաշալօյ պատկանեալ Անտոնեան ուխտի, Վերիտոն և Դամասկոս, յորս են եկեղեցիք ընդ Տրիպօլսի և Լաւողիկեայ, և Երուսաղէմ ընդ Պաղեստինի և կղզին Կիպրոս, պատկանին կաթողիկոսական իրաւասութեան:

Կաթողիկեայ Հայք Կ. Պօլսի մնացին զժամանակ մի ընդ իշխանութեամբ Լատին Առաքելական փոխանորդի քաղաքին, և էր նորա եպիսկոպոս մի հայ կաթողիկեայ, իբր փոխանորդ նորին վասն Հայոց. և ունէր ի վերայ սոցա իրաւասութիւնս ինչ հաղորդեալս յառաջնոյն:

Ապա յամին 1830. ի 6. Յուլի. Քահանայապետն Պիոս Ը. կանգնեաց զգահերէց Արքեպիսկոպոսութեան Հայ կաթողիկեայց ի Կ. Պօլիս. և առաջին Գահերէց Արքեպիսկոպոս եղև Անտոն վ. Նուրիճան, և իրաւասութիւն սորա տարածէր ի կողմանս Փոքուն Ասիոյ և Հայոց Մեծաց. բայց առանց վնասելոյ իշխանութեան պատրիարքին Կիլիկիոյ, վասն ամենայն տեղեաց որք ունէին կախումն զայնմ Աթոռոյ: Անտոն վարդապետ ընկալաւ զձեռնադրութիւն եպիսկոպոսութեան ի 11. Յուլի. նոյն ամի ի Ծուռլա կարդինայէ. այլ զի հպատակ էր նա կայսերութեան Աւստրիոյ, ոչ ծանեաւ զնա Պետութիւնն Օսմանեան: Եւ ի հարկէն ստիպեցան կարգել Ազգապետս կամ արքունի Պատրիարքս, որք յաջորդեցին զմիմեանս մի զմիոյ կնի, ըստ օրինի ժամանակաւոր պետաց: Իսկ հոգևորական իշխանութիւնն մնաց ի ձեռս Գահերէց Արքեպիսկոպոսին:

Յաջորդ եղև սմա յամին 1838. Պօղոս վարդապետ Մարուշ Արքեպիսկոպոսն Քաղկիդեայ և անուանեցաւ Գահերէց Արքեպիսկոպոս Կ. Պօլսի, զոր վարեաց զամս ութ և հանգեաւ ի Տէր յ2. Օգոստ. 1846:

Կալաւ զԱթոռն փոխանորդ նորա Անտոն վարդապետ Հասուն Արքեպիսկոպոս Անարզաբայ իրաւամբ յաջորդութեան յ3. Օգոստ. նոյն ամի:

Իբրև ի սկիզբն 1866. ամի փոխեցաւ յաստեաց Գրիգոր Պետրոս Ը. գումարեցան ի ժողով ընտրութեան եպիսկոպոսունք Կիլիկիոյ ի 14. Սեպտ. նոյն ամի. և ընտրեցին զԳահերէց Արքեպիսկոպոսն Կ. Պօլսի ի Պատրիարք Տանն Կիլիկիոյ. յ13. Յուլի. 1867. տուաւ հաստատութիւնն և վերարկուն հայրապետական իշխանութեան՝ առանձինն Քահանայապետական Կոնդակաւ, յորում զրէ այսպէս Սրբազան

Քառանյայտական Պիոս Թ, « Առաքելական ճոխութեան , որ տուեալ է մեզ յընդհանուր եկեղեցին՝ պատճէնիւ կոնզակիա այսորիկ ջնջեմք եղծանեմք զնախագահական և զԱրքեպիսկոպոսական յորջորջումն, որով... Պիոս նախորդն մեր՝ իւրով առաքելական թղթով զեկեղեցի Հայոց Կ. Պօլսի զարդարեաց: Ապա և նովին իշխանութեամբ զեկեղեցական գաւառ Կ. Պօլսի Հայոց ի մշտնջենաւորս յարեմք ի Պատրիարքութիւն Կիլիկիոյ. պատուէր տուեալ զի Պատրիարքն նոր և յաջորդք նորա վարեացին յորջորջմամբ Պատրիարքաց Կիլիկիոյ Հայոց. և զի բնակութիւն նորա լիցի ի Կ. Պօլիս քաղաքի. և զեկեղեցի Կ. Պօլսի կարգաւոր իրաւարանութեամբ վարեացեն. կամիմք իսկ՝ զի ի վերոյ գրեալ Պատրիարքութիւնն ամփոփեսցի ընդ սահմանօք, զոր այժմ Կիլիկիոյ Պատրիարքութիւնն և Կ. Պօլսի Նախահովիտն ունին »:

Եւ ըստ այսմ վճռոյ՝ նստան այնուհետև Պատրիարքունք Կիլիկիոյ ի Կ. Պօլիս մի զմիոյ կնի. և են.

Անտոն Պետրոս Թ. 1866-1880.

Ստեփանոս Պետրոս Ժ. 1881-1899.

Պօղոս Պետրոս ԺԱ. 1899-1904.

Պօղոս Պետրոս ԺԲ. 1904.

որ արդ վարէ զԱթոռն զայն:

Եկեղեցին Կ. Պօլսի ընդարձակ ունի սահման երկուստեք յԱսիա և յԵւրոպէ. և են ի նմա եօթն և տասն եկեղեցիք և երեք մատրոնք, մետասան դպրոցք պատանեաց և ինն՝ աղջկանց. արժանի յիշատակութեան է վարժարանն Ս. Լուսաւորչի, որպէս և այլք ոմանք: Փակեալ է ի ժամանակէ հետէ կղերանոցն. յառաջադէմ զարգանայ Միաբանութիւն կուսանաց Անարատ Յղութեան, որ ունի միայն ի Կ. Պօլիս

չորս վանորայս, թող զայնոսիկ՝ որք ի գաւառսն են: Մեծաշէն է կաթողիկոսարանն, և առ այլ ևս եկեղեցեօք գտանին բնակարանք:

Հայ Էջմիածնականք ի վեց թեմս բաժանեալ են զվիճակն Կ. Պօլսի. յԱսիակողմն են Նիկոմիդիա և Ատարազար. ի միջակին կայ Կ. Պօլիս և որ շուրջ զնովաւ և որ ընդ իշխանութեամբ նորին. յԵւրոպական կողմն են երկու վիճակք, որք միացեալ են ընդ միով Առաջնորդաւ, այն է՝ Ռոտոսթօ և Էտիրնէ:

ԶՄԻՒՌՆԻԱ

Ընդ իշխանութեամբ Կ. Պօլսի գտանի և Զմիւռնիա, որ ունի ընդ իւրև զՎիլայէթն Այտրն: Յամին 1882. կարգեցաւ անդ փոխանորդ մի Պատրիարքական հրովարտակաւ Օսմանեան կայսեր ի կարգաւորութիւն վարչական գործոց կաթողիկեայց. սակայն և այնպէս հոգևորական ինամք հաւատացելոց պատկանէին Արքեպիսկոպոսին Լատինաց:

Ապա բարձր հրամանաւ Լեոնի ԺԳ. Քահանայապետի յամին 1894. բաժանեցան Հայ կաթողիկեայք յիրաւաբանութենէ Լատին Արքեպիսկոպոսին, և տուան Պատրիարքին Կիլիկիոյ, որ Առաջնորդ Զմիւռնիոյ կարգեաց զՀ. Նիկողայոս Ծ. վ. Ազեբեան, կայսերական հրովարտակաւ:

Յ17. Սեպտ. 1894. եհաս առաջնորդն ի Զմիւռնիա, որոյ իշխանութիւն տարածի ի վերայ Հայ կաթողիկեայք բովանդակ կուսակալութեան Այտնի. մինչև ցՔայաւալըք, Սօմա, Տինէյ, Պալտուր, Ռւշազ. ևն:

Թիւ Հայ կաթողիկեայք ի կուսակալութեան Այտնի էր ի սկզբան անդ 150-160 տուն յորոց 70-80.

տուն բնակէին ի Զմիւռնիա և ի մերձակայ գիւղօրէս նորին. այլ այժմ բազմացեալ են եկօք ի Կ. Պօլսէ, յԱնկիւրիոյ, յԱտանոյ և յայլեաց տեղեաց:

Ի պատիւ Ծննդեան Ս. Աստուածածնի նուիրեալ է եկեղեցին կաթողիկեայց ի վանատան Մխիթարեանց վիեննայ:

Մեծ է թիւ բնակչաց Այտնի. առաւելագոյն մասամբ Մահմետականք են, գտանին և Յոյնք ոչ սակաւք, որք ի գլխաւոր քաղաքին ունին 12. եկեղեցիա: Են և Լատինք ոչ սակաւ, որ ի Զմիւռնիա ունին 6. եկեղեցիա. թիւ Հայ Էջմիածնականաց ի համօրէն վիլայէթին է իբր 14,000. և են նոցա կրկին եկեղեցիք, Ս. Ստեփանոս աթոռանիստ և Ս. Լուսաւորիչ. կան ի գաւառին և այլ եկեղեցիք, այլ մի է Առաջնորդութիւնն:

ԺԶ.

ՎԻՃԱԿՆ ԱՂԵՔՍԱՆԴՐԻՈՅ ՅԵԳԻՊՏՈՍ

Եպիսկոպոսութիւն Հայոց յԵգիպտոս չէ նոր. և առաջին եղև Գրիգորիոս հօրեղբայր Ծնորհալի Հայրապետին. զոր վկայասէրն մեծ ձեռնադրեաց յամին 1076. Արքեպիսկոպոս Եգիպտոսի. որոյ յաջորդ եղև Անանիա, և տևեաց յաջորդութիւն սոցա այնուհետև ընդ երկայն ժամանակ:

Յետ նորոգութեան կաթողիկոսական Աթոռոյն ի կիլիկիա առաջին եկաց Եպիսկոպոս Եգիպտոսի Պօղոս վարդապետ Աթերեան կարնեցի աշակերտ վանաց Զմմառի: Չեզնադրութիւն սորա եղև ի Պղոմ-

մառ յամին 1849. ի Գրքագոր Պետրոս Ը. կաթողիկոսէ. և յամին 1866. հանգեաւ ի Տէր:

Զամս իբր քսան պարապ մնաց Աթոռն, նախ ընդ փոխանորդութեան Ստեփան վարդապետի Անուանեան, և ապա այլոց ոմանց, և յայս միջոց ժամանակի փոյթ կալան դնել զոք Եպիսկոպոս, այլ ոչ յաջողեցաւ:

Ապա յամին 1886. յ2. ամսեանն Մայիսի ձեռնադրեցաւ Եպիսկոպոս Աղեքսանդրիոյ Եզիպտացոց Բառնարաս վարդապետ Ազէէհիրլեան Կ. Պօլսեցի աշակերտ Ուրբանեան դպրոցի. և հանգեաւ ի Տէր:

Եւ յետ ինչ ինչ դիպաց, ընտրեցաւ ապա Պօղոս վարդապետ Սապաղեան Բերիացի աշակերտ Վանաց Զմմառի, որ ի 10. Նոյեմբ. 1901. ձեռնադրեցաւ Եպիսկոպոս. և ի 4. Օգոստ. 1904 ամբարձաւ յԱթոռ Պատրիարքական. որով և դարձեալ պարապ մնաց վիճակն Աղեքսանդրիոյ:

Թիւ ժողովրդեանն աճէ գաղթականօք, որք յայլ և այլ կողմանց գնան անդր և են արդ կաթողիկեայց երեք եկեղեցիք, մին յԱղեքսանդրիա, և Ս. Գրքագոր Լուսաւորիչ ի Գահիրէ, և Ս. Աստուածածին ի հինքաղաքին:

Առաւել է թիւ Էջմիածնականացն Հայոց. զի յաճախեն անդր բազումք յայլոց տեղեաց: Եւ առ նոսա իսկ միմիայն է թեմ Եզիպտոս համօրէն:

ԱՐԴՈՒԻՆ ԵՒ ՍՊԱՀԱՆ

Են այլ ևս երկու վիճակը կաթողիկեայ Հայոց այն է՝ Արդուին և Սպահան:

Եպիսկոպոսութիւն առաջնոյն որոշեցաւ ի Պիոսէթ. յ30. Ապր. 1850. և ի նմին ամի ի 25. Յունի. (հ. տ.) ձեռնադրեցաւ Եպիսկոպոս Տիմոթէոս

Վարդապետ Աստառճի, աշակերտ վանաց Զմմառի: Զեղև սմա ժամանակ երթալոյ ի վիճակ իւր, կանխեալ օրհասին ի Կ. Պօլիս ի 14. Մարտի (հ. տ.) 1851:

Պարապ մնաց Աթոռն զամս ութ. և ապա ընտրեցաւ Անտոն վարդապետ Հալաճեան Անկիւրացի աշակերտեալ ի վանս Զմմառի. ձեռնադրեցաւ սա Եպիսկոպոս ի 15. Ապր. 1859. և պայծառացոյց զեկեղեցին Արղուինոյ. և ապա առ սաստիկ ձերութեան հրաժարեալ առանձնացաւ ի Կ. Պօլիս և անդ կնքեաց զկեանս իւր:

Յետ հրաժարելոյ նորա անցին ամբ քանի մի. և ապա ընտրեցաւ Եպիսկոպոս Արղուինոյ Յովհաննէս վարդապետ Զարարեան Արղուինցի. որ առանձինն տնօրէնութեամբ ձեռնադրեցաւ յԱրղուին յեպիսկոպոսէն Կարնոյ յամի 1878. և յետ սակաւ ամաց հանգեաւ ի Տէր:

Եւ ցարդ չեղաւ փոխան նորա այլ Եպիսկոպոս. և վիճակն յանձանձի փոխանորդուր:

Հայ կաթողիկեայք բազմաթիւ են ի քաղաքին Արղունոյ իբր 6000. ոգիք, որոց են չորս եկեղեցիք, Ս. Աստուածածին, Ս. Պետրոս, Ս. Լուսաւորիչ և Ս. Խաչ: Ունի Եպիսկոպոսարան, և դպրոցս առ իւրաքանչիւր Եկեղեցեօք: Էջմիածնականք են ի սմա 1300. ոգիք և եկեղեցի նոցա նուիրեալ է Ս. Աստուածածնի:

Են բազմութիւն կաթողիկեայ Հայոց յԱրտանուճ, յԱտահան, ի Տանձոտ, ի Սաթլէլ, ի Բղխիկուր. և յայլ ևս զիւղօրէս. և ըստ այսմ թիւ կաթողիկեայց հասանէ այժմ իբր ի 14,000 ոգիս:

Իսկ ի Սպահան չեկաց եպիսկոպոս առանձին, այլ վարեցին զայն փոխանորդք մինչև ցայսօր:

Էջմիածնականաց են երկու թեմք, Ատրպատական, որ ամփոփի ի նմին զաւառի. և Սպահան, զորմէ կախին ևս և Հայք Հնդկաց և սահմանաց նորին:

Յ Ա Ի Ե Լ Ո Ի Ա Ծ

Եպիսկոպոսունք ձեռնադրեալք ի վերայ քաղաքաց
ոմանց, որք խառնեցան ապա ի մերձաւոր վիճակս,
կամ ի կիր արկան իբր յորջորջումն:

Սահակ վարդապետ ձեռնադրեալ Եպիսկոպոս Քի-
լիսի յամին 1740. ի Բերիա յԱրրահամ Արքեպիս-
կոպոսէ Քաղաքին, որ անցոյց զժամանակ կենաց
իւրոց ի Գրէմ և ապա ի Զմմառ, ուր և ննջեաց
ի Տէր:

Յովսէփ վարդապետ Աճէմեան ձեռնադրեալ Եպիս-
կոպոս Եղեսիոյ յԱրրահամ Պետրոս Ա. կաթողիկոսէ
յամին 1749. որ գնացեալ ի Հոովմ կարգեցաւ ձեռ-
նադրիչ Եպիսկոպոս, և վախճանեցաւ ի քաղաքի անդ:

Պօղոս վարդապետ Կ. Պօլսեցի աշակերտ Անտո-
նեանց ձեռնադրեցաւ Եպիսկոպոս Գամսակեայ յԱրրա-
համ Պետրոս Ա. կաթողիկոսէ:

Պետրոս վարդապետ Քեոորդի նորին Արրահամու,
որ ձեռնադրեցաւ ի նմանէ Եպիսկոպոս Անթափ քա-
ղաքի յամին 1749. և վախճանեցաւ ի Վերիտոն:

Բարսեղ վարդապետ Աւգատեան Բերիացի ձեռնա-
դրեցաւ Եպիսկոպոս Ամասիոյ յամի 1753. և մնաց
ի վանս զամս բազումս, և ապա յամին 1780. ըն-
տրեցաւ Պատրիարք Տանն Կիլիկիոյ:

Պօղոս վարդապետ Լէոնեան Ախալցխացի աշա-
կերտ ուրբանեան դպրոցի ձեռնադրեցաւ ի Միքայէլ
Պետրոս Գ. կաթողիկոսէ Եպիսկոպոս Տայոց աշխար-
հին կամ Ախալցխայ, որ ապա եղև ձեռնադրիչ Ե-
պիսկոպոս ի Հոովմ:

Յովհանն վարդապետ Ամզեցի, ձեռնադրեցաւ ի նոյն կաթողիկոսէ Եպիսկոպոս Զմիւռնիոյ, և հանգեաւ ի Կ. Պօլիս:

Պօղոս վարդապետ Գուպպէյեան ձեռնադրեցաւ ի նոյն կաթողիկոսէ Եպիսկոպոս Դամասկեայ, որ առաքեցաւ յԵգիպտոս, և դարձեալ ի վանս Զմմաոի հանգեաւ ի Տէր:

Յակոբ վարդապետ Հօլասեան ձեռնադրեցաւ ի Գրիգոր Պետրոս Ե. կաթողիկոսէ Եպիսկոպոս Ամասիոյ յամին 1806, որ մնաց ի վանս, և վարէր առ յաջորդով նորա զպաշտօն Աթոռակալութեան, ընտրեցաւ և սա Պատրիարք Կիլիկիոյ յամին 1841:

Յովհանն վարդապետ Կիրակոսութեան Եւզոկիացի աշակերտ վանաց Զմմաոի ձեռնադրեցաւ յամին 1812. Եպիսկոպոս Դամասկոսի:

Իզնատիոս վարդապետ Քալլպճեան Եւզոկիացի ձեռնադրեցաւ Եպիսկոպոս Ամասիոյ յամին 1842. սա վարեաց զփոխանորդութիւն Աթոռոյն Սերաստիոյ զամս բազումս, և չոգաւ յԱմասիա և ընդ նմա ոմանք ի միաբանից և ջանացան զամս ինչ ի դարձ ժողովրդեան յԱմասիա, ի Մարսուան, ի Կամուրջ ևն: Ապա յանձնեցաւ զաւառդ այդ Եպիսկոպոսին Տրապիզոնի:

Միքայէլ վարդապետ Աղեքսանդրեան Կիւրինցի աշակերտ վանաց Զմմաոի ձեռնադրեցաւ յամին 1855. Արքեպիսկոպոս Երուսաղեմի:

Բարսեղ վարդապետ Գասպարեան Բերիացի աշակերտ Զմմաոի ձեռնադրեցաւ Արքեպիսկոպոս Կիպրոսի, և Սուրիաս վարդապետ Քազանճեան Կ. Պօլսեցի Արքահայր Անտոնեան ուխտի Արքեպիսկոպոս Անտիոքայ. և ապա Սէլիմալիոյ:

Ստեփանոս վարդապետ Ազարեան Կ. Պօլսեցի աշակերտ ուրբանեան դպրոցի կարգեցաւ Աթոռակալ

Պատրիարքական և ձեռնադրեցաւ Արքեպիսկոպոս Նիկոսիոյ ի 23. Սեպտ. 1877. որ ապա յամին 1881. ընտրեցաւ Պատրիարք Կիլիկիոյ:

Յովհանն վարդապետ Քիւրթէլեան Ամզեցի որ ձեռնադրեալ էր Եպիսկոպոս ամօք ինչ յառաջ՝ անուանեցաւ Եպիսկոպոս Ատալիոյ:

Մովսէս վարդապետ Ամպէրպոյեան անուանեցաւ Եպիսկոպոս Գրոնիոյ:

ՁԵՌԱՆԱԴՐԻՉ ԱՐԲԵՊԻՍԿՈՊՈՍԲ Ի ՀՌՈՎՄ

Գրիգոր Արքեպիսկոպոս Եղեսիոյ ձեռնադրեալ ի Նահապետ կաթողիկոսէ Էջմիածնի չոգաւ ի Հոովմ. և յամին 1713. կարգեցաւ ձեռնադրիչ Եպիսկոպոս աշակերտաց Հայ Ծիսի: Հանգեաւ ի Տէր յամին՝ 1721:

Փոխանորդ եղև սմա վրթանէս Արքեպիսկոպոս Կեսարիոյ Միաբան Էջմիածնի և ապա յամին 1721. յաջորդ. և եղեն կեանք նորա հարիւր ամբ:

Յովսէփ Արքեպիսկոպոս Եղեսիոյ Աճէմեան Բերիացի ձեռնադրեալ յամին 1749 ի Լիբանան. զնաճցեալ ի Հոովմ յաջորդեաց վրթանէս Արքեպիսկոպոսի յամին 1760. և հանգեաւ ի Տէր 1767:

Սիմոն Եպիսկոպոս Անկիւրիոյ, որ դարձեալ էր յուղիղ հաւատս քարոզութեամբ Յակոբ վարդապետ (որ ապա Պետրոս Բ.), անուանեցաւ ձեռնադրիչ Եպիսկոպոս ի Հոովմ յամին 1767:

Յետ մահու սորա էառ զնոյն պաշտօն յամին 1774. Սամուէլ Եպիսկոպոս Բիւթանիոյ կամ Պրուսայ, որ դարձ արար անդրէն ի վիճակ իւր:

Եւ կարգեցաւ փոխան նորա յամին 1781. Պօղոս վարդապետ Լէոնեան Արքեպիսկոպոս Ախալցխս որ ձեռնադրեալ էր ի Զմմառ:

Յաջորդեաց զսա յամին 1785 Ստեփանոս Եպիսկոպոս Աթթանտիլ Ախալցխացի:

Եւ յետ սորա յամին 1796. Աթանաս Արքեպիսկոպոս Սարաֆեան յԱնտոնեան ուխտէ:

Իսկ յամին 1824. կարգեցաւ ի նոյն պաշտօն Գրիգոր Արքեպիսկոպոս Բաղինեան, որոյ

Օգնական եղև Պօղոս Վարդապետ Մարուշեան որ ձեռնադրեալն էր Արքեպիսկոպոս Քաղկիդիոյ, յամն 1832-1838:

Յամին 1830. թողին ձեռնադրիչ Եպիսկոպոսունքս զՍ. Մարիամ Եգիպտացի, և տուաւ նոցա ի Գրիգոր ժ. Գ. Քահանայապետէ Ս. Վլաս ուր բնակեցաւ Պօղոս Եպիսկոպոս Մարուշեան:

Ապա յամին 1838. ընտրեցաւ Իգնատիոս Վարդապետ Փափագեան ի Մխիթարեան ուխտէ և անուանեցաւ Արքեպիսկոպոս Տարօնոյ, որ հանգեաւ ի Տէր յամին 1852. ի 23. Մայի:

Օգնական եղեալ էր սմա յամին 1847. Եղուարդ Վարդապետ Հիւրմիւզեան ի Մխիթարեան ուխտէ Վենետիոյ, որ ձեռնադրեալ անուանեցաւ Արքեպիսկոպոս Շիրակայ. և յամին 1852. յաջորդեաց զնա. հանգեաւ ի Տէր 23. Հոկտ. յամին 1876:

Ի նմին 1876. ամի ընտրեցաւ Աղեքսանդր Վարդապետ Պալճեան ի Մխիթարեան ուխտէ Վիեննայ, որ ձեռնադրեալ անուանեցաւ Արքեպիսկոպոս Տրոիոյ, հանգեաւ ի Տէր, յամին 1884:

Յետ սորա նստաւ ի նոյն աթոռ Յովհան Վարդապետ Կիւրէլեան Արքեպիսկոպոս Ատալիոյ յամին 1885. հանգեաւ ի Տէր 1901:

Եւ եղև օգնական ամին Յարութին Վարդապետ Խուպեան, որ ձեռնադրեալ կոչեցաւ Արքեպիսկոպոս Ամասիոյ ի 24. Փետր. 1900. և յամին 1901. կարգեցաւ ձեռնադրիչ Եպիսկոպոս, մինչև ցայսօր:

ԱՐԲԱՀԱՐՔ ՄԻՒԹԱՐԵԱՆՑ

Ի ՎԵՆԵՏԻԿ

ՄԻՒԹԱՐ ԱՐԲԱՀԱՅՐ

Ծնաւ ի Սերաստիա յամին 1676. քահանայացաւ յամեն 1696. սկիզբն առնէ Միարանութեան յամին 1701. և լինի ԱրբաՀայր 1712. առաքէ զաշակերտս իւր ի Նէապօլիա Պեղոպոնեսաց. և ինքն իսկ հասեալ անդր, կանգնէ մենաստան ի Մեղոն: Իսկ յամին 1715. փոխադրի ի Վենետիկ և ընդունի զՍ. Դազար կղզեակն յամին 1717. ինքնին կառուցանէ զվանս: Եւ առաքինական վարուք ննջէ զքուն արդարոց սրբակրօն վարուք ի 27. Ապր. 1749. ի հասակի 76 ամաց:

Ստեփանոս Մելգոնեան Կ. Պօլսեցի: Ընտրեցաւ ԱրբաՀայր ի 5 Ապր. 1750. սա հիմնէ զտպարանն. առ սովաւ եղև բաժանումն ոմանց ի Հարց. որք նախ ի Գրիեստ և ապա ի Վիեննա հաստատեցին ուխտ ուրոյն յանուն նորին Մխիթարայ մինչև ցայսօր. վախճանեցաւ յամին 1799:


Ստեփանոս Քիւլէո Ազոնց: Ծնաւ ի Ճուրճով Գրանսիլվանիոյ յամին 1740. և եմուտ ի կրօն Մխիթարեանց 1757. քահանայացաւ յամի 1763. ընտրեցաւ ԱրբաՀայր յամին 1800. և յամին 1804. օծաւ Արքեպիսկոպոս յորջորջմամբ Սիւնեաց. և հանգեաւ ի Տէր յամին 1824: Այր էր սա ազնուատոհմ

և աղէտք և յաջողութիւնք փայլեցուցին զկեանս նորա :

Սուքիաս Սոմալ: Ծնեալ ի Կ. Պօլիս 1776. քահանայացաւ 1804. ընտրեցաւ Աբրահայր յամին 1824. և օծաւ Արքեպիսկոպոս 1826. և փոխեցաւ յաստեացս յամին 1846:

Գէորգ Հիւրմիւզ: Ծնաւ ի Բիւզանդիոն յամին 1797. ձեռնադրեցաւ քահանայ 1819. ընտրեցաւ Աբրահայր յամին 1846. և ի նմին ամի օծաւ Արքեպիսկոպոս յորջորջմամբ Սիւնեաց. առաջիկայ զբտաւ յամին 1869. Պատրիարքական Սիւնհոդուին, որ զումարեցաւ ի Բերա Կ. Պօլսի, ընդ որում էր և եղբայր նորա Եզուարդ Արքեպիսկոպոս Շիրակայ, ննջեաց ի Տէր յամին 1876:

Իգնատիոս Կիւրեղ: Ծնաւ սա յամին 1834. Փետր. ընկալաւ զքահանայութեան յամին 1854. ընտրեցաւ Աբրահայր յամին 1876. և օծաւ Արքեպիսկոպոս յամին 1877. զբող ծանօթութեանս մաղթէ նմա զամս երկայնս և երջանիկս. և Միարանութեանս Մեծի Մխիթարայ պայծառութիւն առաւել քան զառաւել:





Handwritten scribble



3540

3426